

中華民國二十年十二月

抗日救國文電第一集

中國國民黨河南省黨務指導委員會印

序言

近數年來，國家不幸，患難頻仍，軍閥相繼而起，赤匪乘虛騷擾，中央艱難奮鬥，方克迭弭大亂，和平統一，予國民以休養生息之機。詎謂蠢彼倭奴，野心蓬勃，本年九月，突然進兵，佔據東省，弁髦正義人道，藐視國際公法，且事後脅我邊疆官吏，承認贖白旗開，期掩天下耳目，亡韓故智，又施我國，噩耗傳來，舉國痛憤，各地法團民衆，羣起抗日救國。兩月以來，文電紛飛，詞多慷慨激昂，茲特將各方聲討日本此次無端出兵佔我瀋陽長春等要地之重要文電，彙編成冊，藉以使全國民衆明瞭瀋案之真相，翻然覺悟，羣起奮鬥，協助中央，其驅倭奴，還我錦繡山河，打倒帝國主義，則我國家民族之前途，實利賴之！

編者謹誌二〇，一一，二〇。

序
言

抗日救國文電第一集目次

序言

- 一、中央告全國同胞書
- 二、中央致粵方報告國難電
- 三、中央告全國學生書
- 四、國府告全國民衆書
- 五、蔣介石先生對瀋之案講演一
- 六、蔣介石先生對瀋案之講演二
- 七、胡漢民先生促粵方共禦外侮電

八、省黨務指委會對瀋案之文電

請全國共禦外侮電

請粵方停戰禦侮電

爲日本佔領瀋陽宣言

爲日本帝國主義陰謀詭計離間滿蒙告同胞書（附國慶二十週年紀念告民衆書）

九、各省市各特別黨部對瀋案之文電

福建省黨務指導委員會抗日救國電

陝西省黨務指導委員會抗日救國電

甯夏省黨務特派員辦事處抗日救國電

甘肅省黨務整理委員會團結禦侮電

河北省黨務整理委員會除賊救國電

山東省黨務整理委員會抗日救國電

湖北省黨部臨時整理委員會一致團結禦侮電

雲南省黨務指導委員會準備對日宣戰電

察哈爾省黨務特派員辦事處一致抗日電

河北省黨務指導委員會作政府後盾反日電

山西省黨務指導委員會一致對日電

安徽省黨務指導委員會一致團結對日電

陝西省黨務指導委員會一致擁護中央禦侮電

浙江省黨務指導委員會一致奮起共赴國難電

甯夏省黨務特派員辦事處抗日電

熱河省黨務指導委員會團結抗日電

北平特別市黨部黨務整理委員會抗日電

青島特別市黨部一致對日電

抗日救國文電第一集 目次

四

平綏路特別黨部籌委會反日救國電

津浦路特別黨部整委會一致對日電

陸軍第五十五師特別黨部籌委會反日救國電

陸軍第四師特別黨部籌委會對日佔瀋電

陸軍第二十九師特別黨部籌委會反國救國電

陸軍第二十師特別黨部籌委會反日救國電

國民政府警衛軍第一師特別黨部執委會誓死救國電

陸軍第十二師特別黨部執委會反日救國電

陸軍第十三師特別黨部抗日電

陸軍新二十師特別黨部誓死抗日電

陸軍第四十六師特別黨部抗日電

陸軍獨立第三十三旅特別黨部一致抗日電

- 陸軍第六十五師特別黨部籌委會共禦外侮電
陸軍第四十八師特別黨部籌委會一致對日電
陸軍第四十一師特別黨部一致對日電
陸軍第十九師特別黨部一致對日電
陸軍第七師特別黨部執委會一致抗日電
陸軍第七十四師特別黨部籌委會反日救國電
陸軍第五十三師特別黨部籌委會反日救國電
陸軍第五十七師特別黨部團結對日電
陸軍第三師特別黨部一致抗日電
陸軍第三十四師特別黨部籌委會共赴國難電
陸軍第十八師特別黨部抗日電
陸軍第十六師特別黨部一致抗日電

陸軍第四十一師特別黨部反日電

中央陸軍軍官學校特別黨部抗日救國電

十、各縣黨部對潘案之文電

鄆城縣執行委員會誓死抗日電

陳留縣執行委員會團結禦侮電

杞縣執行委員會奮起抗日電

中牟縣黨務整理委員會共赴國難電

扶溝縣執行委員會一致抗日電

禹縣黨務整理委員會奮起對日電

宜陽縣黨務整理委員會武裝對日電

鞏縣黨務整理委員會反日救國電

確山縣黨務指導委員會反日救國電

商水縣黨務整理委員會一致抗日電

潢川縣區黨務整理委員會誓雪奇恥電

獲嘉縣黨務整理委員會對日宣戰電

孟津縣黨務指導委員會禦侮殺仇電

汝南縣黨務整理委員會共赴國難電

西華縣黨務整理委員會奮袂討日電

淮陽縣黨務整理委員會抗日救國電

尉氏縣黨務整理委員會共禦外侮電

博愛縣黨務整理委員會奮起禦侮電

許昌縣執行委員會對日經濟絕交電

南陽縣黨務指導委員會抗日救國電

長葛縣黨務整理委員會對日宣戰電

光山縣黨務整理委員會誓死對日經濟絕交電

沈邱縣黨務宣傳員辦事處反日救國電

項城縣黨務宣傳員辦事處誓死抗日電

開封縣執行委員會反日救國電

安陽縣黨務整理委員會一致對日電

直屬周口區黨務整理委員會反日救國電

直屬溫縣區分部誓死抗日電

直屬寶豐區分部反日救國電

自由縣黨務宣傳員辦事處反日救國電

十一、各縣反日救國團體對潘案之文電

上蔡縣民衆反日救國會電

民權縣民衆反日救國會電

確山縣民衆反日救國會電

汜水縣民衆反日救國會電

泌陽縣民衆反日救國會電

鄭縣商界反日救國會電

伊陽縣各界反日救國會電

內鄉縣各界民衆反日救國會電

葉縣反日救國會電

滎陽縣反日救國會電

西華縣反日救國會電

汝南縣反日救國會電

偃師縣反日救國會電

湯陰縣反日救國會電

抗日救國文電第一集 目次

淮陽縣各界反日救國會電

靈寶縣各界反日救國運動大會電

尉氏縣反日救國會電

南召縣反日運動大會電

杞縣反日救國會電

新野全縣民衆反日救國會電

平等縣反日救國會電

汝甯反日救國會電

鹿邑各界反日救國會電

長葛縣反日救國會電

固始縣反日救國會電

陽武縣反日救國會電

十一、各將領對瀋案之文電

何健等抗日救國通電

陳珪璋誓死救國通電

夏斗寅等一致救國通電

韓復榘團結對日通電

張之江等一致救國通電

徐源泉等誓死抗日通電

藍文彬抗日救國通電

謝紹安誓死抗日通電

抗日救國文電第一集

目次

一三

抗日救國文電第一集

一，中央告全國同胞書

日本乘我內亂未平，天災突起，死亡流離，救卹不暇之際，突以暴力施行侵略，十九日強佔瀋陽以後，遼吉要地多被蹂躪，強暴一舉，繼續未已。其行動之蠻橫，非惟國際法規約章所不許，實亦世界歷史之創聞，我國家遭此無比之奇辱，民族受此重大之侵凌，凡有血氣莫不駭憤。本黨秉總理之教訓爲救國而革命，中央職責所在，必以最善之努力挽未有之危局。深信公理尙未淪喪，強暴必受裁制，亦深信吾同胞義憤奮發，各有甯爲玉碎之決心，至最後必要時機，必能爲國家人格民族生存而灑其最後之熱血。唯竊欲爲吾全國同胞告者，國家遭此非常之事變，必賴舉國一致之協力，尤必確認共循之徑途。救國禦侮世上最艱鉅最嚴重之工作也，唯其嚴重故決不可掉之以輕心，唯其艱鉅故必運之以極堅強之組織。我國頻年憂患，國力未充，致危召侮，事非一因，而最著

之一點，則爲缺乏團體動作之紀律，此次外患性質之嚴重，爲從來所未有，欲期公理得伸，強暴斂跡，必須動作一致，步驟一致，聽統一之指揮，守嚴整之紀律，而後乃能造成整個之力量，以收確實之效果，於此原則之下願爲吾同胞指陳下列數事：一曰必須確實團結，應知當前祇有救國之一大事，宜以完成此一大事爲至切要之任務。在捍衛民族利益之大原則下，切戒一切階級區域，乃至見解情感之分歧，世上任何行動固不基於團結，臨大敵而人自爲戰者必敗，當大事而交詆互誦者必亡，故一切言論行動，必須真實保持全國之一致。二曰必須堅定沉着，須知吾人當前之責任爲極嚴重之責任，艱危之局，非虛聲所能挽回，亦非僅憑感情衝動之表示所能有效。故吾人必須練熱烈之感情，爲堅強之力量，無時無刻不作犧牲之準備，而一切必確守秩序，力戒矜張。須知他人之輕我者在虛儒，則必力求堅毅，知他人之所希冀者在發生枝節，則應慎防奸謀。三曰必須加倍刻苦，無論國家與個人均應倍矢辛勤，加緊工作，于應付危局之中，培養國家之基本。須知民族生存之努力，不容一時休止，吾人此時應痛切省悟於國力不競之由來。故

一方面國家仍須努力於勦匪救災，而吾人民無論爲農爲工爲商爲學，均不宜片刻荒棄其各自應有之工作，祇須全國國民深刻認識，切實作隨時可以犧牲之準備，則國難無不可救，否則紛心無補於救亡，而損失將適以資敵。以上三者，均爲吾全國必守之教條，事變當前，已不容吾人稍有徘徊與怠忽，切望以堅定之意志，守強固之紀律，矢必死之決心，作持久之奮鬥，救國卽以自救，禦侮卽以興邦，轉禍爲福，視吾全國之努力何如，唯共圖之。

一一，中央致粵方報告國難電

急限卽刻到，廣州古委員香芹轉各同志均鑒：日本謀占我東三省，進軍圖我全國，已非一日，數十年來，一切政策，皆集中於此，我國民婦孺皆知，無須更述，今乃乘我內亂正急，天災突起，遍地災民，死亡枕籍，舉國上下，正在救死撫生，無暇之際，日忽出重兵，占據瀋陽，長春，安樂，營口，遼陽，寬城子，潘幫子等地，其蠻橫至何程度，詳細真相尙在繼續探查。此種野蠻行動，在世界歷史上，亦無先例，綜現時所得報

告，日溝守備隊，係十八日夜十時，無端挺進，將皇姑屯以東鐵道炸毀，開始軍事行動，向我北大營駐軍，施行攻擊，我軍抱不抵抗主義，日兵竟攻侵入營房，舉火焚燒，并將我兵驅逐出營，同時用野砲攻擊北大營，及兵工廠，炸毀追擊炮庫，占領追擊砲廠，城內外警察各分所，被日軍射擊，警士被逐出，無線電發電台，亦被日軍侵入，鎗砲攻擊，徹夜不絕，駐瀋陽軍民，死亡無數，迄十九日晨六時，大隊入城，將各機關占領，并驅我軍政長官，遼主席臧式毅，下落不明，榮臻及眷屬，亦被日軍拘禁於日司令部我第一旅長王以哲殉難，省府及兵工廠均被焚燬，東北大學亦被佔，日第二師團，開拔赴瀋時，途中焚燬極慘，東北軍向瀋海線東退時，途中被擊，軍民死亡無數。日軍除佔瀋陽外，并在遼境自由行動，所至之處，將我軍警繳械，先後佔領安樂，營口，溝幫子，寬城子，遼甯等地，并聞日本海軍，已佔我連山灣，駐鮮日軍兩師團，及平壤空軍，亦奉命向遼東進發，此種暴行侵略，不知何止，中央自得電報後，除飭外部迅即提出緊急抗議外，十九日晚八時，召集臨時緊急會議，當經決議，以下列三點，通告全國同志，

轉告同胞，同赴國難，一，除派隊將赤匪根本剷除外，必須一心一德，鞏固國家基礎，同時并充實政府實力，二，一切人民必須一心一德，努力於救災，及禦侮工作。三，本黨同志必須拋棄一切意見，造成強固統一，當茲國難日深，沉淪待挽，精神團結，諒有同心，竭誠電達，不勝迫切，中央執行委員會號。

三、中央告全國學生書

中國今日當存亡關頭，政府受人民之托，合人民之力，負折衝禦侮之責，政府不尊重人民之意思，則人民必唾棄其政府。而國乃亡，人民不服從政府之指揮，則政府不能約束其人民。步驟錯亂，為敵所乘，而國亦亡，嗚呼，時至今日，而謂尚可不一心一德，披肝瀝胆，在中央統一指揮之下，同赴亡國滅族之難耶。全國學生，血氣正盛，愛國至殷，學生能一心一德，服從指揮，以為全國國民倡，則國事必有救，存亡決於幾微，死生定於俄頃，故願竭其誠為我學生諸君告也。

所謂統一指揮者，卜下一心，步驟一致，犧牲個人及一部份之成見與利益，以貢獻

於國家也。學生今日爲主張對日作戰者，則卽以戰言，近世之戰，非猶夫歷史之驅士卒以相搏矣。非以全國水陸交通，集中於政府權力之下，而指揮之，則不能戰，非以全國之經濟集中於政府權力之下，而指揮之，則不能戰，非以全國人民平日所享受之自由生命，集合於政府權力之下，而指揮之，則尤不能戰，以整個的國力，應作戰之需要，甚至毀吾廬墓，不爲不孝，夷吾家室，不爲不仁，試問在此時期，尙能人各一主張，人各一利害，而不聽命於統一指揮者耶：不特戰時爲然，卽當臥薪嘗胆，生聚訓練之時，亦必有統一之指揮，乃能有充分之準備，卽如全國學生，今無一不願荷槍前敵，爲國捐軀者，然義憤固可薄天，平日苦無訓練，則必施以短時期之軍事教育，在此受軍事教育期中，卽須犧牲其平時所享之自由，俾成爲整齊嚴肅之戰士，若曰是尙未至於戰也，約束可以不行，作輟可以無定，是則灑上棘門，直如兒戲，一旦臨陣，倉皇失措，旣爲無益之犧牲，復無補於國家之危亡，吾知明理達義之學生，於此必能憬然悟統一指揮之必要，且及未戰之時尤當磨厲及此矣。

自日本帝國主義軍隊佔遼瀋以來，風聲所播全國，民氣如湯之沸，青年學生，有盡質其衣履，以賑災隻身，請求入伍者，有熱血瀆湧，無可遏抑，自殺以殉國難者，此種舍身爲國之精神，已足爲國必不亡之徵象，其尤爲堅苦卓絕者，則全國民衆於熱烈激昂之中，仍能刻勵沉着，不予敵以可乘，不示人以惶亂，以文明民族之人格，作敵國野蠻行動之反映，因是益得世界之同情，吾人固知存仁大計決於自身，但求同情，等於依賴，惟深信只有刻勵沉着之民性能立，致果成仁之偉績，惟有步伐整齊之紀律，乃能決勝克敵於疆場，故全國民衆最近所表示者，不僅消極的使敵人無隙可乘，且積極的可爲民族生存之保障，甚願全國學生於此良好之基礎，益相勉勵，以底於最後之成功，昔普法戰爭時，法國學校，在德軍槍林彈雨之下，絃歌弗輟，曾讀「最後之一課」者，當能識之，法國民族，因具有刻勵沉着拚命讀書之精神，終能復其世仇，吾全國學生，而欲復仇雪恥者，更宜依中央頒布之義勇軍辦法，日夕不懈，努力於軍人之修養，若見敵來乘，相率罷課適隱吾淬厲之氣，示弱于敵耳，其惡乎可。

今乃有以不宜戰不開課爲揭示者，有以出兵與讀書並提者，其發於熱誠固難厚非，衝諸事理，實多纒誤，夫宣戰問題，決不以學生之罷課與否爲衡者也。可戰而不戰，以亡其國，政府之罪也。不可戰而戰，以亡其國，政府之罪也。備戰未畢，而輕於一戰，以亡其國，政府之罪也，備戰完妥，而不敢戰，以亡其國，政府之罪也。政府在此時期，負全國存亡之責，全民生死之寄，所賴以與國與民同生共死者，惟有以公忠之決心，受人民之信託，秉惟一之權能，以定惟一之大計耳。若政府於此而可不計國家利害，輕徇請求，或築室道謀躊躇不斷則爲溺職爲誤國爲千秋萬世之罪人，大難臨頭，至於此極，人民而猶不信任政府，政府而猶不絕對負責，則詬誶未息，國已不國矣。抑更有進於是者，負此全職之政府，自有軍事處分之權衡，宣戰與否，此在信任政府之人民所不必問，負責政府所不宜答者也，外交儘應公開，軍事自有機密愛國之學生乎，磨厲以須來爲政府之後盾，速爲前仆後繼之準備，政府決不負國家也。

嗚呼，今日之事急於星火，今日之國危於累卵，吾人盪沐 總理救國救民之遺訓，

可旁貸之責任，苟於國家有利者，則必身先人民而死，若見於國有害者，則職責所在不容姑息，惟全國學生共鑒之。

四，國府告全國民衆書

日軍在東三省暴行發生以後，我全國人民應有之態度，中央已有詳切之指示。國民政府今以政府目前應付本事件之經過及政府對於國民之希望，撮其要略，陳述于全國之國民。此次日本軍隊在東省之暴行，其性質之嚴重爲空前所未有，此種事件實於我國全國之存亡有莫大之關係。當本月十八日爲日軍暴行開始之時，事前既無挑釁之事端，而其舉動與國際慣例及非戰公約均所衝突，而日本竟然侵我疆土，殘殺我人民，擄戮我軍警官吏，此種暴行，有加無減，日人所加於我之侮辱，實爲任何文明國家所不爲。國際聯合會之設立，本爲防止戰爭，且謀各國協力以防侵略。東省事件發生以後。我國即將日人暴行報告於國聯，并要求第一步請日軍即刻撤退出境，二十二日國聯行政委員會開會，先請停止軍事行動及撤退軍隊已有決議，政府并已電請國聯行政會一俟日軍撤退後

，應即設法對此事件有正當之解決。深信如經公平調查後，國聯對此事件必能給我們以充分之公道及合理之營救。政府現時既以此項案件訴之於國聯行政會以待公理之解決，刻已嚴格命令全國軍隊對日軍避衝突，對於國民一致告誡，務維持嚴肅鎮靜態度，至於駐華日僑政府已嚴令地方官吏妥為保護，為我文明國家應有之態度。我人應以文明對野蠻以和平態度而顯其暴行，以副公理之必伸。然為維持國家之獨立，政府已有最後之決心，作自衛之準備。決不辜負國民之希望。時自今日，國內一切糾紛亟應即時冰釋，各同胞均應捐棄私見，一致團結，羣集於國民政府之下。為國家保安全，為民族求獨立，吾全國同胞尤應確認擁護國家統一為對外良策，斷不容以任意氣情感，搖動中央所決定之方策步驟，以影響一致救國之決心。政府肩茲鉅艱，處存亡關頭，尤尚承中央指導，時刻注意，並隨時公諸世界。凡我同胞其各信任政府，整齊步伐，一致聽中央之指導，至死救國以發揚我民族精神，湔去當前恥辱，尤願與全國同胞共相警勉。

五、蔣介石先生對瀋案之講演一

此次日本在我東三省擅作軍事行動強佔我瀋陽長春安東營口及其他遼省要地，情形之奇突，實爲國際上從來所未有。我國受此奇恥大辱無論同志同胞，均須深刻認識，一致奮起，以救危亡；且尤須將本問題之前後關係，從大處研究，得其真相，以謀應付。此次日本暴行，不僅破壞遠東和平，亦足以影響世界和平，事態甚爲重大，是以吾人立志必須堅決，應付則當沉着，據中正意見，此次日本暴行可分下列兩點之試驗：（一）試驗國際間有無正義或公理，及世界各國有無裁制橫暴，確保世界和平之決心。日本此次舉動，不但乘我之危，違反國際道德，且極端破壞國際聯合會規約，及非戰公約之精神。上列兩條約皆各國爲確保世界和平而訂定，余敢信凡國際聯合會之參加國及非戰公約之簽定國，對於日本破壞條約之暴行必有適當之裁制。（二）此次事件可以試驗我國是否能全國一致，發揮愛國精神，以禦外患。記得日本人有一本書書名『滿洲問題之重大化』，其間大略述及中國人散漫，不關心國事，如甲午庚子戰役，戰爭地以外之中國人民，好似不關痛癢，北方有事，南方人旁觀，而不關切，南方有事，北方人亦不感覺

書中之大意如此。所以日本敢於公然侵略，實任已視我國民如無物，深可痛心！此次嚴重之國難中，我國民是否能全體一致，舉國一心，發揮真正之愛國精神，以救國難，亦爲一重大之試驗。余深信凡我國民，值此民族根本存亡所關之今日，必能一致奮起，共救危亡，以挫日本之野心，而證明其觀察之錯誤。惟國家當重大事變發生時，國民之精神固不可消沈散漫，行動上尤切忌輕浮，力量從組織而生，必須動作一致，步驟一致，守嚴整之紀律，服從統一之指揮，一德一心，作必死之奮鬥，而後始能發生效力。斷不可人自爲戰，以陷分裂。現在日本暴行發生已將五日，中央政府已作嚴密之研究，決定應取之步驟，此時世界輿論，已共認日本爲無理，我國民此刻必須上下一致，先以公理對強權，以和平對野蠻，忍痛含憤，暫取逆來順受態度，以待國際公理之判斷。我全體同志，服從三民主義革命救國，自當有不顧生死之決心，以保民族之生存，但國家存亡，關係至大，此時務須勸告民衆，嚴重秩序，服從政府，尊重紀律，勿作軌外之妄動，而爲有秩序有步驟之奮鬥，此刻暫且含忍，決非屈服如至國際條約信義一律無效，和平

絕望，到忍耐無可忍耐，且不應忍耐之最後地步，則中央已有最後之決心，與最後之準備，屆時必領導全體國民，甯爲玉碎，以四萬萬人之力量，保衛我民族生存與國家人格。中正許身革命，生死早置度外，值此危急存亡之際，自當國存與存，國亡與亡，必立
在國民最前線，爲國民之先鋒，共赴國難，以盡我之天職。尙望全體同志，知此意，普告於我國民。

六，蔣介石先生對瀋案之講演二

日本軍隊佔據我東北遼甯吉林各地方，迄今已逾三星期了，上月三十日，國際聯合會決議通知日本撤兵，希望他在兩星期內撤盡，期限也快要到了！國聯要日本撤兵，本希望此次兵禍，不再擴大，此案能否和平解決；但是日本非但無撤兵的準備，其軍事行動，反更加積極，尤其本月八號，日軍用許多飛機，在錦州——我們遼甯，臨時省政府所在的地方，拋擲許多炸彈，使我人民生命財產，損失很重。日軍此種舉動，完全欲憑藉其強大的武力達到他們侵略的目的，這不但是我國的莫大恥辱，難以忍受，即世界各國

，也必視爲公理人道之敵，不能長此容忍的。國聯行政院在上月未開會的時候，本定本月十四日再行開會，如在十四日以前，日兵完全撤退，即不再開會。但照近日日兵行動，尤其是轟炸錦州。國聯認爲形勢非常嚴重，已決定提前於十三日開會。我們相信這一次開會，一定能依公道的主張，找得和平的路徑，使東亞和平，以至世界和平，不致日本一國所破壞。

照最近數日的情形，侵入東北的日軍，不但未遵照國聯的通告，不使事件擴大，且更到處騷擾，日日擴展其軍事行動，不僅如此，即在我國南部沿海口岸及長江一帶，也紛紛派遣軍艦，運載陸戰隊，到處示威。且在上海僑居的日本人，昨天開居留民大會，也於散會後集合數千人列隊遊行，闖入中國商店，擊傷中國孩童，撕毀標語，肆意辱罵，其有意挑釁，更屬明顯，所幸我警察嚴密防範，民衆亦持沉穩鎮靜的態度，所以他們雖有挑釁的決心，結果還是無覺可開。我們這種堅忍鎮靜的表示，並非即是屈服，乃是知識程度進步的表現。我們國人的知識程度，現在已非三四十年前可比，外族武力決不

能輕易威脅我們的。日本此次無故佔領我國土地，必自恃其強大的陸海空軍，以爲中國必非其敵；我若稍與抵抗，彼即可藉口開戰，必使我割地賠款，方肯罷休。我國也有一部分人，也有此種心理。深怕得此結果，欲圖恢復，非數十年，或至百年不可，不知此種心理，在我國三四十年以前的情形，是可以適用的，現在却完全不同了。我相信以國人現在知識程度的進步，到了萬不得已而至和平破裂，我們一定不會失敗的。我們現在固要盡力避免戰事，且在未至戰爭的時候，仍要鎮靜持重，無暴其氣。但我們國民知識程度的進步，實在可以強敵決一死戰；這不僅我們自己要認識，世界各國在這一回事中，都可以認識的了，前清甲午庚子兩次戰事中國有兩樁最可恥的事。第一在甲午年與日本開戰時，北洋艦隊已被日軍戰敗，南洋艦隊依然袖手旁觀，而且宣告中立，這顯然表示中國人無民族思想與國家觀念，使外人視我中國人無團結一致的精神。在此種情形之下，如何能不受人欺侮？如何可免失敗？第二庚子年的義和團，不辨國籍，不分恩怨，一味仇視，充分表示中國人民沒有知識，自然要給外國人輕蔑欺侮。不過這是三四十

年以前國民知識程度的象徵，絕不是現在民族心理的表現。日本軍人不明此理，猶抱持其三四十年以前的目光，來看民國二十年的中國人，他們這種錯誤，可斷定就是他們失敗的先兆。現在我們人民已經都知道國家是人民共有的，不像以前視作皇帝一個人所有了，因為以前視國家為皇帝所有，所以與日本開戰時，便也有作皇帝一人的事，百姓是不必管的，到了今日我們國民已經把這個心理，完全更改了。知道國家是人民的國家，無論日本欺侮我們那一處人民，或者侵佔我們那一處地方，人民就立刻覺得這是欺侮我們全體人民，與侵佔我們整個國家。人民對於國家觀念，不但十分熱烈，且在極熱烈之中，依然能保持很明白的理智，不作無意識的行動，不中敵人的狡計，這就是我們立國的基本，也就是禦侮的基本。日本此次出兵，佔領我遼吉兩省，全國同胞，立刻一致起來反抗。不僅長江一帶如此，即最南部的廣東人民的表示，也十分激昂。這種全國一致的精神，真是衛國的至寶，比什麼力量都大。照上述理論看來，現在我們的軍備武力，雖然不如日本，但因為我們人民知識程度提高，所增加的衛國的力量，實在足以保衛我

們國家的存在，這種精神的表現，決不能是軍國主義的國家所能壓倒的，所以此次事件固希望能夠和平解決，但若萬不得已而須以武力自衛，就必定可以得到最後的勝利。我們必要為擁護國家民族的生存，維持公理人道的尊嚴，堅持到底，決不屈服。全國國民總力量的表現，不但不為敵人所畏嚇，而且要為世界公理國際公法，來盡其所應盡的責任。我們有堅忍的力量，無論異族用什麼陸海空軍的暴力，來壓迫我們，我們全國仍能以極悲痛沉着的精神，抵抗此莫大的凌侮。現在的國民，已與三四十年以前的國民，大不相同，日本人的眼光應當變更，我們自己更要認清此點。我們更要知道世界上任何國家或任何個人，都不能離開世界而獨立。就國家論，立國於世，必有與國，國與國間自必有其相安相睦之道，決不能祇顧自己的權益，而妨害甚至侵犯他國的權益，如果如此，則此祇知為自己的國家，必不能得與國的同情，而安然並存。我國是世界國家之一，即不能離開世界，同樣既是國際聯合會的一分子，即不能離開國際。任何國家，離開國際，都不免失敗，都要自取滅亡。現在日本即陷於此種境地，軍人只曉得自己的陸軍強

太 只想一脚踢進我東三省腹地，即可據爲已有。殊不知世界還有公理，決不容許他這樣飛揚跋扈，來破壞世界的和平。世界非僅一日本，國際非僅恃強權日本佔領東三省，就是破壞世界和平，日本軍閥不明此理，無異自絕於世界，國際聯合會本希望日本侵入東省事件不要再擴，而日軍惟恐其不擴大，日本飛機轟炸錦州事件，遠在國聯訓令日軍撤兵之後，故其暴行，使全世界各國，都不能承認。政府當此大難，鑑於國民知識程度的提高，以及國際公道的猶存，所以決不存畏懼之心，無論日本武力怎樣強大，都不在我們眼中，我們只要自問有無衆志成城的意志？有無誓死革命的精神？是否遵依世界的公理？是否擁護國際公法的尊嚴？以及是否維持非戰公約的存在？我想我們是世界的一國，又是國聯一分子，無論如何，都有擁護公法與維持公約的責任。且不但我國有此責任，就是世界各國，也都有這個責任的。今日我們固甚願以和平的方式，來保全非戰公約與國際公約的尊嚴，雖日本侵佔我們領土，我們仍不對他宣戰，是爲了要維持公理，爲公法公約而竭力忍耐，但到萬不得已時，公法與公約，都不能維持的時候，也決不惜

任何犧牲，以盡我擁護國際公法，維持非戰公約的責任非戰是固神聖，但爲維持公法公約而戰，無論犧牲怎樣重大，也是有價值的。全國同志同胞，我們知道現在已是文化日進的世界，決非那野蠻武力，可以制勝一切的。中國民族已不是三國十年以前的情形，忍耐奮鬥，都能依着時勢的必要，以表現我們的人格與決心。我們在精神上已有最大的勝算，無論敵軍怎樣強大，怎樣來威脅我們，我們總是處之坦然，不爲屈服的。我們更應相信國際有公約，人類有公道，我們要和平的心理去遵守，以犧牲的精神去擁護，橫暴不足畏，威武不足屈，我們要和乎奮鬥，以捍禦此次的國難，以擁護國際的公法。

七，胡漢民先生促粵方共禦外侮電

廣州唐少川先生，汪精衛先生，孫哲生先生，古湘芹先生，蕭佛成先生，鄧澤如先生，陳伯南先生，李德鄰先生，伍梯雲先生，馬成樵先生，陳壽碩先生，唐孟瀟先生，覃理鳴先生，李君佩先生鑒：備承愛注，至極銘感，弟已於昨日下午抵滬。現在外患急

迫，不弱於甲午，而國內不調整之現象，則爲甲午所未有；其所以致此之由，在過去黨內糾紛迭乘，政治舉措失當，人每欲挾黨內之一部力量爲己有，黨卽失其團結之本體；人每欲自私，卽互相排詬，排詬則糾紛愈多，而各人遂忙於對人，忽於對事；使總理昭示我人，領導人民，以求國家自由平等之目的，無由達到。而奸黠者流，乘虛以入，肆其惡行，亦遂末由過問，馴致過則歸於吾黨權則歸於他人。而久之黨不爲人民所重，乃爲人民所輕，積漸且爲人民所忌恨矣。政治之不易澄清，紀綱之不易整肅，胥坐此故；此其錯悞，皆不容我輩各自諉卸責任，弟亦答或爲過悞中之一人。然平日自檢，擔負既往之錯悞則較輕，而今日盼望我輩糾正過去錯悞之心則最切，今日正爲吾黨同志，澈底覺悟，力圖團結之急要時機，蓋非各自覺悟，以改正已往之錯失，無以求黨內之團結；非黨內團結之堅固，無以集合全國之力量，以禦外患。生平對人，毫無問題，而對事則錯認必求改善，正義必求推進。良以過去一切，其價值乃所以戒將來，以是之故，目前則求今後政治上開展之生路，乃不能不於過去種種錯悞，持改正之決心。今公等在粵

，備嘗艱苦，不惜犧牲，所持者亦唯此而已。弟深信吾黨同志，能體總理親愛精誠之旨。斯黨可以團結堅固，能體總理天下爲公之精神，斯過去一切錯悞，即可改正。而今後安內攘外之方，亦可確定。甚盼公等推舉代表來滬，進行和議，共商大計，無任企盼。漢民叩刪。

八，省黨務指委會對瀋案之文電

請全國共禦外侮電

各報館轉各級黨部，各級政府，各機關，各民衆團體，及全國同胞均鑒，頃上中央執行委員會一電，文曰，駐瀋日兵，於巧日早六時突然自由行動，砲擊北大營，火焚兵工廠，俘我高級長官，殺傷我軍民無算，即將瀋陽佔領，並分三路進兵，佔領長春，營口，溝幫子，遼陽，山海關等地，東三省殆已全歸日軍之手，噩耗傳來，不勝髮指，查東夷倭奴，夙具野心，溯自甲午戰爭以還，無日不欲蠶食我國，民四之二一條，民十七

之濟南慘案，層恥疊辱，至今未忘，迺者，乘我大軍剿赤全國救災之際，復有此亙古未有曠世未聞之殘暴舉動，等國際公法於弁髦，視我國人命如草芥，正義何在，人道何存，此而可忍，國何以國，本會聞訊悲憤之餘，爰於號晨開臨時緊急會議，議決。一，呈請中央對日嚴重交涉，並迅速集中武力，作外交後盾。二，通電全國，宣佈日本暴行。三，通令各縣組織反日救國會，共赴國難。四，致電粵方，速停軍事行動，共禦外侮，紀錄在案，國難當前萬事可緩，一旅可以興夏，三戶可以亡秦，懇祈鈞會，除轉呈國府飭外交部迅速對日提出嚴重交涉外，並將各地軍隊，迅速集中適當地點，作外交後盾，不勝屏營待命之至，等語，外侮日亟，國將不國，同仇敵愾，諒有同心，尙祈各地同胞，一致進行，黨國存亡，在此一舉，臨電悲憤，不知所云，中國國民黨河南省黨務指導委員會養印。

請粵方停戰禦侮電

萬望廣東古委員香芹，轉各同志均鑒，連日報載，駐遼日軍突於巧日開始軍事行動

，砲擊我兵營，焚燬我兵工廠，俘我官吏，殺傷我士兵，屠戮我人民，佔領我瀋陽，遼甯，長春，安樂，營口，溝幫子，錦州，連山灣等地，今且向我關內挺進，山海關，青島，均以陷落聞矣。警耗傳來，悲憤何極。查東夷倭奴，素具野心，大陸政策，久已定爲國是，對我東北，早已視爲己物，民四之二一一條約，民十七之濟南慘案，層恥疊辱，積久愈深，今竟乘我內亂未清，天災正劇，舉國人民，正在救死撫生之際，突出此不顧一切之慘暴舉動，冒天下之大不韙，開國際未有之慘局，其視我國主權，國際公法，尙有一顧之價值耶，凡我國人，心苟未死，同仇敵愾，當所同心，和我同志，均爲總理信徒，丁茲國難，而猶必爲鬩牆之爭，總理有靈，在九泉下亦當痛哭，刻中央已於皓日議決三事。諄諄以團結精神爲誥誡，并於號日致電尊處，諒邀鑒及，本會體中央企求和平之旨，本國人息爭禦侮之望，爰於號晨八時，召開臨時緊急會議，決議致電粵方，停止內爭，共禦外侮，紀錄在卷，人之受國，誰不如我，息爭禦侮，諒有同情，臨電迫切，佇候明教，河南省黨務指導委員會叩養（二十二日）印。

爲日本佔領瀋陽宣言

日本自明治維新以後，形成了一龐大的羽毛豐滿的帝國主義的新國家。因國勢之膨脹，猛然強盛，忘却了舊日受人宰割蹂躪創傷的痛苦，舉凡不欲人之加諸己者，而乃以之盡加諸我，定下了南侵北佔的對華政策，蓄藏了亡我國家滅我種族的野心，數十年來雖其政府內閣之迭有更易，而其危害我國家，侵略我滿蒙之傳統政策，始終未嘗稍改，自大隈內閣以迄若槻，此種一貫的方針，愈演愈烈，有損人國脈的經濟侵略，轉換而爲殘酷狠毒的槍彈砲艦積極行動，國恥史上染遍了血跡，外交史中載滿了慘案，窮凶極惡日本，絕滅人道的倭奴，直視我中華民族如牛馬之不若，直欲以安南朝鮮之亡國奴待我矣！出其最卑鄙最毒辣之手段，在我東三省任意屠殺，以造成萬寶山之慘案，繼復鼓惑韓民，慘殺僑胞，剖腹挖心，肝腦塗地，極慘酷之能事，絕滅人類之正義。我中央素愛和平提出嚴重抗議，相與理論。詎日人自知理屈，無法卸責，竟養老成怒，窮其狡猾伎倆，虛構中村事件，以圖抵賴。殘毒險狠的日本野心軍閥，近復推波助瀾，高唱其保護

關東州之既得權，率其殘忍凶暴的豺狼之日卒，強佔我瀋陽，長春，安樂，營口，遼甯，寬城子，溝幫子，山海關等地；而吉林之延吉等五縣，以及洮昂，打迪，通遼，洮索，瀋海，各路，先後均被日軍佔據，拘禁我東北軍參謀長榮臻，慘斃我第一旅長王以哲，俘擄我無抵抗之軍隊，屠殺我無辜之人民，焚燒我遼政府及兵工廠，炸毀我鐵道多處；此種蠻橫行動，違背國際公法，滅絕世界公理；不惟有史以來無此野蠻殘毒之國家，即世界各國亦無此滅絕人道之暴行，嗚呼！事急矣！事危矣！外侮臨矣！行見我中華之大好山河，淪亡于日本矣！我中華民族將爲朝鮮人之續矣！凡我同胞，稍有血性，尙有不警心動魂，熱血沸騰者乎？彼日本帝國主義者，對我已施其最凶橫最強暴之最後的手段。藉其殘酷狠毒之槍砲，進據我東三省，亡國滅種，迫於眉睫，我中國全體同胞，須舉行總動員，一致奮起，共赴國難。勿以東省已失，內地尙可苟安。要知金甌已缺，中原何能倖免，同胞同胞，大難臨頭，情勢危迫，集中全國之力量，齊一反日帝國主義之戰線，一面呈請中央，立電令日軍退境，一面組織反日救國團，準備對日宣戰，一方對

日經濟絕交，斷滅物質上之供給，一方將日本之暴行宣告各國，以求世界之公判，際此千鈞一髮，內憂外患，危急存亡之秋，我全國民衆應惕厲奮勉，排除或見，共禦外侮，爲國家雪奇恥，爲民族爭生存，應備我與倭不兩立之觀念。抱臥薪嘗膽之決心，日本帝國主義者進攻愈急，我四萬萬同胞之團結愈固，誓以頭顱熱血，與日帝國主義相周旋，願作戰死之勇士，不作亡國之奴隸，精誠團結，一致奮起，國家存亡，在此一舉，本會願率豫三千萬同胞，誓捐身命，共赴國難，謹此宣言。

二〇，九，二三

爲日本帝國主義陰謀詭計離間滿蒙告同胞書

此次暴日乘我國赤匪未清，天災嚴重之際，突然出兵東省，佔領瀋陽營口安東新民昌圖鐵嶺溝幫子寬城子長春吉林延吉遼源各地，殺戮我人民，俘擄我官吏，奸淫擄掠燒殺，無所不用其極，破壞世界和平，滅絕人類正義，其殘忍狠毒，爲有史以來所未有，然日重暴行，至今未已，向我國四出尋釁，事件之擴大，將不知伊於胡底，茲將日本預

蓄之陰謀詭計，報告與我國同胞，望一致抵禦暴日，而救危亡。

日本帝國主義者比年以來，欲實現大陸政策，向我國進攻，愈逼愈緊，其計劃在以朝鮮關東爲根據地，循南滿鐵路而進窺滿蒙，旁略華北各省，雄據大陸，以與世界列強相抵抗。今見我國天災匪禍，相逼而來，以爲有機可乘，於是嗾使韓人，造成萬鮮慘案，向我挑釁，彼得藉詞出兵，無如我國力持鎮靜，不爲所愚，詭計未曾得逞，遂更虛構所謂中村事件，藉以淆世界觀聽，以爲侵略東北之理由，遂於九月十八日晚，甘冒世界之大不韙，襲擊遼吉各名城，二三日內先後侵佔瀋陽營口安東撫順長春滿洲子寬城子吉林遼源等地，且虛張聲勢，以威脅我國同胞，使之屈服於暴日勢力之下，莫敢抵抗，而彼爲所欲爲。同胞們，現下時危勢迫，我們要深自覺悟，勿中韓人詭計，要鼓起勇氣，勿爲日人威脅，精誠團結，共赴國難，而國家前途，庶幾有救。

自日本帝國主義者乘我之危出兵佔領東省後，卽恣意滿人，脫離中國而獨立，蓋欲襲亡韓之故伎，而滅我滿洲也，此種毒辣計劃，已爲人人所共知，我滿族同胞，想已澈

底明瞭，必不致爲彼所愚惑也。須知我中華民族，係集合漢滿蒙回藏五個民族成爲一個大中華民族，是整個的，是不可分離的，有共同生死利害的關係，如人身然，斷其一肢，卽傷其全體，誰先離開，誰卽先亡，故我中華民族當茲外患方殷之際，應一心一德，團結一致，共禦外侮，共濟時艱。尤望我滿族同胞，凜守此義，使日人挑撥離間之毒計，不得實現，則我國或可保全其整個的領土，不然必爲朝鮮之續也，願我滿族同胞熟思之。

日軍在東三省演成暴行後，我舉國上下，莫不走奔_北汗，悲憤填膺，咸知國家大難業已臨頭，目眦盡裂，熱血噴湧，欲手刃倭奴，以雪此奇恥大辱，如有舊日軍閥，帝制餘孽，受日本運動，甘心賣國，獻媚倭奴者，不特有損個人人格，而亦有損國家體面。須知凡爲中國人，中國有難，卽當羣策羣力，以謀拯救，方不愧爲國家一分子，如不顧一切，甘爲罪魁，我全國同胞，定當以非常手段剷除賣國奸賊。維持我國主權。

國慶二十週年紀念告民衆書

親愛的同胞們！革命的民衆們！

革命運動，是客觀的時代產物，辛亥革命，係滿清政府與帝國主義交壓的反映。在這偉大革命紀念聲中，我們回憶二十年前的整個的國家民族，內受專制的滿清政府宰割壓迫，外遭萬惡的帝國主義的鐵蹄蹂躪；中華民族在此內外兩重壓迫之下，輾轉呻吟，淪於絕境，本黨總理孫中山先生，秉其先知先覺之資，糾合革命志士，喚醒海內外同胞，奔走呼號，共起救國，經過許多次的奮鬥犧牲，拋擲了無數的頭顱熱血，遂於辛亥年十月十日，推翻了數千年專制政體。樹立了偉大的中華民國，促進了中華民族文化的復興發展，開創了民主政治上新紀元。在這過去二十年中，因辛亥革命之不徹底，所以每年的國慶紀念，不過照例有一次的慶祝，復因軍閥叛亂的屢起，赤匪的橫行，而國慶紀念的意義上，也就蒙蓋了許多的污塵。年來中央遵奉總理遺教，爲不斷的努力，致力於政治的革新，雖未收獲特殊的成績，然而關於建設事業，確已粗具規模，倘若假以時日，當可恢復我國固有的元氣，闢開國家民族新生命的途徑，詎料反動的軍閥餘孽

，相繼叛亂，萬惡的赤匪，擾害黨國，破壞和平統一，阻礙訓政建設，中央爲維護黨國，不惜撻伐剿辦，賴我將士的奮勇殺賊，同志的努力血戰，用能蕩平流寇，掃除叛逆，發揚中央的威信，證明民衆制裁反動力量的偉大，一切反動勢力之在今日，只有崩潰消滅，決不能與民衆力量相抗衡，我中華民國的前途，亦因本黨勢力的進展擴大，而走上光明燦爛的大道。

在這革命勢力日有進展的場合，舉國共慶佳節的時際，乃窮凶極惡的日本帝國主義者，挾其最毒辣之傳統的大陸政策，乘我天災匪患救死不暇之際，率其狼吞虎噬之卒，佔據我遼吉二省，破壞我主權領土之完整。屠殺我人民與官吏，其舉動之野蠻，行爲之殘忍，不惟滅絕人類之正義，抑開歷史上未有之創見，一方面製造偽證，以淆亂世界之聽聞，一方面煽惑吉林獨立，以遂其吞併滿蒙的野心；封豕長蛇，有加無已，亡國滅種，迫於眉睫，我們在此生死關頭，倭奴對我是這樣狠毒，我們舉國同胞，必須上下一心，共救國難，抱堅定之決心，作一致之舉動，爰申數義以爲吾同胞告。

(一) 須精誠團結一致對日，我國民族，渙如散沙，先私後公，人自爲戰，此病不除，國亡無日，值此大難臨頭之日，全國同胞，各宜捐除私見，精誠團結，守嚴整之紀律，聽中央之指揮，爲民衆求生存；爲國家謀獨立。

(二) 須竭力宣布倭奴暴行，倭奴日本，詭詐多端，製造僞證藉圖抵賴，我們須將日本暴行真相，與其危害東亞和平之陰謀，向國際作廣大之宣傳，使世界了然於日人之詭惡，以博國際之同情，使暴日無所用其欺瞞之狡計。

(三) 勿中日人的毒計，日人佔據遼吉後，暗中慫恿滿蒙脫離中國，以遂其吞併滿蒙的野心，國人千萬不要惑於欺騙的宣傳，畏其威脅，作日人之傀儡，自己來破壞自己，危害整個的國家和民族的生存。

(四) 永與暴日經濟絕交，日本人口過剩，原料缺乏，食料恐慌，抵制日貨，致命之傷，國人牢記，永遠弗忘。茲將對日經濟絕交的辦法，分別如下：(1) 不買日貨，不運日貨。(2) 不供給日人原料，(3) 不爲日人服務。(4) 拒用日本銀行鈔票，

不向日本銀行存款，不出日本銀行匯兌。(5)不乘日輪，及不起卸日貨。(6)不僱用日人。

(五)應作最後的準備，倭奴的殘忍，已滅絕人道，我與倭奴，勢不兩立，應抱有敵無我，有我無敵的決心，舉國上下，均應爲隨時作戰之準備。或演習軍事，或練習看護，五尺之童，皆執戈之士，巾幗之婦，亦禦侮之卒，上下協作，共赴國難，萬一應戰，即行動員。

革命的民衆們！現在是我們嚴重緊急的關頭，也是中華民族生死存亡的關頭，務須持堅定的意志，守堅固之紀律，抱必死之決心！作最後之奮鬥，救國救已，禦侮救亡，外患至矣末日來臨，大家起來吧！大家努力吧！大家共同來驅逐這窮凶極惡的日兵吧！

九，各省市各特別黨部對審案之文電

福建省黨務指導委員會反日救國電

十萬火急南京中央黨部國民政府各省市黨部各軍隊特別黨部各省市市政府各機關各法團上海各報館南京中央日報社轉全國同胞均鑒：查日帝國主義者，素以侵略我國爲一貫之政策，萬鮮慘案既貽我以無限之創痛，乃復乘我災青薦臻之際，駐遼日軍，突於十八晚猛向我軍攻擊，佔領我長春瀋陽北大營撫順等地，其勢汹汹，有加無已。似此不顧國際公法，悍然破壞東亞和平，引起國際戰爭，實屬人類公敵，而爲我民族所不共戴天者也，際此強寇深入，國家存亡危急之秋，凡我國人，亟應猛省，務本匹夫有責之義，一致奮起抗爭，力爲政府後盾，韓印亡國之慘可爲殷鑒，一息尙存，義無反顧，本會除領導十閩民衆爲反日救國運動外，伏望敵愾同仇，共紓國難，臨電無任憤激之至，中國國民黨福建省黨務指導委員會啓

陝西省黨務指導委員會反日救國電

南京中央黨部國民政府蔣主席北平張副司令各行營主任各省市黨部各省市市政府各路軍師旅長各團體各報館均鑒，嗚呼今日之中國赤匪肆毒湘贛，洪水瀰漫東南，舉國上下

，方奮鬥犧牲奔走號呼努力於勦匪救災工作，以期挽救黨國於垂危。乃日本帝國主義者，竟乘我災患，寇我東北，黨國阽危，莫此爲最。語曰：國家興亡，匹夫有責，丁茲內憂，外患相逼而來。亡國之禍迫在眉睫，實不容袖手旁觀，不加援手。惟是我國人口衆多，素日既無組織，且乏訓練，驟致力於救國運動，勢非妥爲領導，殊難收效。而環觀宇內，且前捨蔣主席外，更無人能當斯重任。蔣主席自北伐迄今，完成統一，削平叛逆，實施訓政，其奮鬥精神，革命勳勞，早已照耀人寰，載諸史冊。今以之領導全國民衆，內而努力勦匪救災，外而抵抗強鄰侵略，自不難轉危爲安，轉禍爲福也。本會洞鑒及此，謹率三秦黨員，及民衆，竭誠擁護蔣主席，領導全國民衆，共紓國難藉拯危亡。並希全國同胞一致主張，不勝企盼之至。中國國民黨陝西省黨務指導委員會叩支。

甯夏省黨務特派員辦事處抗日救國電

南京中央黨部國民政府鈞鑒各院部會各省市黨部各省市政府各民衆團體各報館並轉全國同胞均鑒各總司令各總指揮各軍師旅長並轉全國各武裝同志均鑒此次日本帝國主義

者乘我天災人禍交迫之秋救災恤難重暇之時突發重兵強佔我遼吉殘殺我同胞拘押我官吏炸毀我瀋陽兵工廠焚燬我遼吉官公署最近更蹂躪及我平津大沽口一帶甘冒天下不韙甯爲中國大敵跡其心目已視中國安南朝鮮之不如當此危急存亡千鈞一髮之際正我全體同胞一致努力共救國難之時凡我國人自應痛念國勢阽危泯除已往成見鞏固邊防以共禦外侮且日本帝國主義者此次武力侵略之最後目的尤在不得中國不止將來交涉決非一紙文書所可了事最後勝利必在有武力以作後盾本處願率全甯民衆以與彼日奴決一死戰尙望全國同胞一致努力不滅此朝食不已臨電不勝迫切待命之至中國國民黨甯夏省黨務特派員辦事處叩寒

甘肅省黨務整理委員會團結禦侮電

(銜略)均鑒：查自萬鮮慘案發生，全國共憤，我政府據理力爭，以謀解決，不圖日本帝國主義者，居心叵測，不但不顧邦交，深自悛悔，復變本加厲，破壞國際公法，大肆侵略，竟致於本月皓日派軍攻佔瀋陽，長春，進攻營口，并有直取北平之勢。似此行爲，直成併我關東吞我華北佔我全國領土滅我中華民族矣。警耗傳來，悲憤欲絕，是而

可忍，孰不可忍，再稍退讓國將不國，值此存亡呼吸之機，宜兼同仇敵愾之志。務希共起一致抗禦，上下一心，預備開戰，與彼倭奴，背城借一，共保主權，而救危亡。本會願率全甘民衆，誓死以作後盾，臨電憤激，諸希垂察，甘肅省黨務整理委員會叩號。

河北省黨務整理委員會除賊救國電

急南京中央黨部鈞鑒：國民政府各省市黨部各省市政府各報館轉全國同胞均鑒：日本帝國主義，乘我天災人禍之時，違背國際公法，破壞東亞和平，以暴力佔據遼。吉戕殺我官吏，封閉我衙署，主要城鎮悉被蹂躪，兩省人民多遭殘害。野蠻行爲，世所罕有。使我光華燦爛之河山，盡爲倭奴盤踞之戰場，凡屬血氣之倫，莫不悲憤填胸，近乃愈出愈奇，復謀以吞併朝鮮之故智，亡我東北。唆使東北脫離中國統治，然後實行吞併，收買漢奸袁金鎧于冲漢等，喪心病狂。奴顏婢膝份子，組織所謂東北治安維持會，以爲其吞併東北之御用機關。加以親日份子乘機活動，甘作敵人傀儡，斷送祖國，恬不知恥。實屬全國公敵，應卽起而誅之，爲此通電全國，一致奮起嚴懲國賊，以挽國家之危亡。

，民族幸甚。臨電迫切不勝翹企之至。中國國民黨河北省黨務整理委員會叩冬印。

山東省黨務整理委員會抗日救國電

（銜略）均鑒：天禍中華，倭奴入寇，遼吉被陷，殺人如麻。我中華民族，人心未死，世界公理，又詎容滅絕。現全國上下，一致為救國之圖，歐美列邦，當猶有正義之顧，維是倭奴兇暴，迄今仍未稍戢。救國之方尤應決死自我。軍事準備，實為當務之急。我蔣總司令總管軍旅，為國干城。衛國誓死，薄海同欽。所望全國民衆，一致擁護。俾由軍權集中，收全力對日之效，國家民族存亡，實利賴之，特電奉達，竚候明教。中國國民黨山東省黨務整理委員會印敬。

湖北省黨部臨時整理委員會一致團結禦侮電

各省各級黨部各省市政府各民衆團體各報館轉全國父老昆弟諸姑姊妹均鑒頃上中央一電文曰南京中央執行委員會國民政府鈞鑒：倭奴肆虐，強據瀋陽，戕殺軍官，焚燬武庫。此而可忍，何以為國。鄂中羣情憤激誓不與賊共存。尙祈鈞會府迅定方略，昭告世

界，藉便喚起國際同情，并懇調集重兵，明令征討，與其束手待斃，不如育城借一，但使舉國同仇，恐倭奴未必食之下咽也。迫切奉呈，伏候訓示，湖北省黨部臨時整理委員會叩等語。查日人垂涎滿蒙，已非一日，借端挑釁，層出不窮。今竟乘我災難弘多之際，無故稱兵，佔我疆土，繫我官吏，殺掠我人民，殘燬我社會，蔑視公法，慘無人道。似此禍迫眉睫，已不容吾人再事隱忍。亟應劍及履及，共赴國難。以禦強暴，而保生存，吾國地大物博，倍蕪倭奴。倘能舉國奮起，敵愾同仇，人懷必死之心，士無返顧之念。彼虜雖強，其於我何。所望全國同胞，本黨同志，共體此意，勿再因循。一致武裝對日。以爲政府後盾。再接再厲，不屈不撓。務將野蠻部隊，驅出國境以外。庶我黃岡光榮，不致由此中斬。載管及溺，其何能淑。凡我同胞，能無痛念。臨電不勝憤之至。

湖北省黨部臨時整理委員會叩馬。

雲南省黨務指導委員會準備對日宣戰電

各省政府各軍師旅團各省市黨部各報館均鑒：頃上中央一電文曰：頃接中央廣播電

聞警悉日兵於巧夜十時，襲擊我北大營兵工廠皓日上午五時即將瀋陽佔踞，我國軍警均被繳械，警耗傳來，不勝悲憤。查我國對日歷取親善，彼雖屢肆侵略，我均尊重國際不惜委曲求全，冀保東亞和平。所謂親仁善鄰，深入國人腦際。詎意日方狼子野心，終難理喻，今竟無端開釁，佔我瀋陽等地，咄咄逼人，不遺餘力。現既處此危亡之際，請速改易昔日方略，急下動員，集中全國兵力，誓與倭奴一決死戰。衡以目前情況，決戰或可不亡。不戰不免於亡。與其束手待斃，何若奮鬥圖存。擬請速下決心，勿再姑容，致貽大患，并請轉知各省軍政長官，一致準備對日宣戰。願我國人矢臥薪嘗膽之心，作破釜沉舟之計。國之存亡，在此一舉，臨事迫切，諸維鑒察，滇省指委會叩號印。伏望一致主張，對日宣戰，以戢倭寇。而挽危局，不勝迫切之至。滇省指委會叩號印。

察哈爾省黨務特派員辦事處一致抗日電

南京國民政府鈞鑒，各院部會各省市黨部各省市政府各軍隊各法團各報館轉全國同

胞均鑒：頃上中央執行委員會及張副司令一電文曰：急南京中央執行委員會。北平張副司令鈞鑒，查日本此次對我暴行。察民間之，萬分憤激。當由各界民衆自動集合四千餘人，於今午十時在張垣舉行抗日大會，公推代表王子元等四十一人到部請願，誓作政府後盾，與日本作殊死戰。其請願書內，開爲請願事，查日本帝國主義者，無故調遣軍隊，強佔我瀋陽營口溝邦子等地，霸我機關，舉火焚燒。似此蔑視國際公法，破壞我國主權，助長我國內亂，實屬殘暴毒辣之至，披閱之餘，不勝憤慨，日人此種暴舉，不只圖侵害我東北，亦即亡我國家之表示。似此危亡之禍，迫於眉睫，皮之不存，毛將焉敷。爲此懇請鈞處，轉呈中央厲行革命外交，驅逐日兵出境，恢復我瀋陽等地，並要求日本賠償損失，担保以後不再發生此事。以挽回國權，保我疆土。我全省民衆誓願一致擁護中央，作外交後盾。謹此呈請鈞處，鑒核。轉呈，爲此據情電請厲行革命外交，即日驅逐日兵出境。以保國權，而維民命等語。本處除已據情電請中央及張副司令，厲行革命外交，即日驅逐日兵出境外，爲此電請全國各界一致奮起，誓作政府後盾，以挽頹運，

而救危亡。臨電迫切，不勝待命之至。中國國民黨察哈爾省黨務特派員辦事處叩梗印。

河北省黨務指導委員會作政府後盾反日電

（銜略）均鑒，日本軍隊，已於十九日，以暴力佔領我瀋陽及營口長春遼陽及各衙署各通訊機關瀋陽兵工廠，飛機廠，均被炸。步裝軍警已被繳械驅逐。十處已改懸日本旗。天津旅順鐵嶺海城之日軍。均已動員。日海軍已至牛莊，開向天津。現情勢已極度嚴重。東省滅亡在即，今事已至此，哀痛憤怒亦無益，祈求全國同胞。沈痛醒覺，中國若可不即亡，即在此一着，請速興起，將事件之嚴重與強鄰之暴虐，公佈中外，以求公判。現在別無辦法，只有忍辱負重，應付宜求實際有效。不在空言，應抱和平鎮靜態度，從宣傳日本之惡毒野心與持不合作主義兩點步驟做去。並組織國民外交協會勸饒國民外交，以為政府後盾，同胞乎，速興起救此最後一着，河北省黨務整理委員會印。

山西黨務指導委員會一致對日電

南京中央黨部國民政府鈞鑒各省市黨部各省市政府勸鑒各機關各團體各報館轉全國

民均蒙，查日本帝國主義者，近來屢次無端向我尋釁并挑撥我國內亂，冀遂其侵略滿蒙之野心。貫澈其大陸政策之陰謀，處心積慮，已非一日，最近鑒於我國亦氛未滅水災慘重，竟乘人之危，出兵東省。強佔遼吉，襲擊轟炸，情勢嚴重，形同土匪。窺其用心不惟思獲取滿蒙，直欲吞噬我四萬萬人之中華民國。當茲大難臨頭一髮千鈞之際，凡屬國人各宜從速猛省，一致團結，捍禦外侮。須知日人之炮火雖烈我若以整個民族之奮鬥精神與之抗衡必能挫其兇鋒而懲彼橫暴。在此外侮緊急之時，想人心未死，當無再還一己之私公不顧民族之危亡。深望全國同胞，泯除私見，羣策羣力，一致對日。共赴國難。庶可挽茲浩劫冀定邦基，臨電不勝迫切待命之至。中國國民黨山西省執行委員會養印

安徽省黨務指導委員會一致團結對日電

各省市黨部各省市政府均鑒，日本逼處東瀛，對於我國，包藏禍心，已非一日。慘殺我同胞，侵佔我版圖，亦非一次。近嘗萬寶山慘案之血跡未乾，鯨吞我東三省之大兵又至。一晝夜間，竟佔領我瀋陽長春撫順安東鳳凰城連山灣錦州營口新民興城溝幫子各

地。拘捕我軍政長官，解除我軍警武裝，鎗殺我人民，焚燬我建築。野蠻兇暴，曠古未聞。是而可忍，孰不可忍，除電請中央速以武力制止，一面通告各友邦主持公道，並分電廣州方面請速罷兵息戰，共禦外侮外。用特電達：務乞喚醒民衆，一致團結，以爲中央後盾。臨電神馳，毋任盼禱。安徽省黨務整理委員會

陝西省黨務指導委員會一致擁護中央禦侮電

南京中央黨部國民政府各省市黨部各省市政府南京蔣總司令北平張副司令各總指揮各軍師旅長各法團各報館均鑒，接讀蔣總司令東電張副司令江電，具見憂國心重，倡導和平，雜誦之餘，莫名欽服。竊維黨國不幸，災難並臻赤匪肆毒湘贛，日人謀侵滿蒙。而我東南數省，近復遭此浩劫，田廬漂沒，民多死亡，卽倖免於難之數千萬同胞，亦屬嗷嗷待哺。迫切待救。此誠黨國民族危存亡之秋也。所幸湘贛赤匪殲滅期邇，萬幸慘案交涉已見端倪，東南數省災民中央已籌賑濟之策，國人於此應亟謀如何始能加速肅清赤匪，如何始能獲得外交勝利，如何始能拯救東南災民。而建白於中央。苟有利於黨

國民衆者，中央自必博採羣策，俯順輿情，而實施之。當不難挽國運於垂危，登人民於衽席。倘因一見之左，即欲訴諸武力，致令黨國再淪戰禍，民衆重罹鋒鏑。非特黨國之罪人，且爲民衆之公敵，背叛黨國違反民意者，雖不待黨國之討伐，而即自行滅亡者必矣。一念之差，貽患無窮，諒我國人，當不以此言爲謬也，胥知居今之日，非和平不足以救國。非救國不足以謀民族之永存。本會鑒於國勢之阽危，民族之堪慮，縱觀時局未敢緘默，尙希全國同胞，共體時艱，擁護和平，俾固國本於苞桑。藉維統一於永久。黨國幸甚，民衆幸甚。區區微忱，維冀垂察。中國國民黨陝西省黨務指導委員會叩真

浙江省黨務指導委員會一致奮起共赴國難電

各省市黨部各省市政府均鑒暴日無端侵佔遼吉進窺關內國家危如累卵在此存亡所繫固賴國民奮起同心禦侮尤須步驟一致領導得人觀夫近年土意之復興可爲鑒倣蔣主席誓師北伐曾不數載完成統一中更勘定叛亂清勦匪共忠勇敏毅大勛懋集誠國家之柱石爲國人所共信倭奴日亟國難方殷舉國國民均應紀律化團結化與暴日決生死戰本會認爲在此危急局

勢之下國民均應一致竭誠擁護蔣主席隨其領導共赴國難以禦強寇而復國土尙祈一致主張
共厲同仇我國前途實利賴之中國國民黨浙江省執行委員會叩宥

甯夏省黨務特派員辦事處抗日電

南京中央黨部國民政府鈞鑒各省市黨部各省市政府鈞鑒各報館轉全國民衆公鑒：禍
臨事急，無暇多言，特陳對日辦法六條如次，一，速將日本對我一切不法行爲，及此次
侵滿事件真相，儘量搜集用各國文字印成書報遍送國際聯盟會員國，加入開洛克非戰公
約國，及世界各國。擴大宣傳以謀國際之同情與協助。二，卽息內爭，立調所有軍隊，
分布平津及沿海要塞，以防日軍乘虛進犯。三，全黨黨員及全國中學以上學生，限於最
短期內一律編成義勇隊，實施軍事訓練，以備對日宣戰。四，速發大批救國公債，廣募
救國金，以充對日戰費。五，全國各機關公務員及小學生全體動員分赴鄉村田野作普遍
深入之反日宣傳。六，全國國民宣誓永遠與日本經濟絕交。以上辦法爲救亡至計。立待
施行。泣血上言。踴請採納。甯夏省黨務特派員張天吾翟宗濤沈德仁叩感，

熱河省黨務指導委員會團結抗日電

（通電銜略）均鑒頃上中央執行委員會一電文曰查日本吞我東省蓄謀已深近竟乘我剿匪救災之際不惜蔑視國際法規與背棄人道公然佔據我東北領土慘殺我無辜同胞暴行繼續有加無已凡有血氣之倫能不同深憤恨日人此種暴舉不只圖侵害我東北亦即亡我國家之兆示似此危亡之禍迫於眉睫皮之不存毛將焉敷除遵奉鈞電辦理外爲此電請轉咨國府厲行革命外交即日驅逐日兵出境恢復我瀋陽等地並要求日本賠償損失担保以後不再發生此事以挽國權而保疆土臨電神馳不勝迫切之至等語除通電外尙希全國各界同胞一致奮起共禦外侮以申國權而保民命臨電神馳無任瞻依中國國民黨熱河省黨務指導委員會叩

北平特別市黨部黨務整理委員會抗日電

南京中央黨部國民政府各省市黨部各省市政府各法團各報館均鑒此次日本帝國主義者乘我國天災匪患拯救不遑之時突出重兵佔我遼吉砲燬我兵工廠封閉我衙署戕殺我人民擄掠我財物殘酷凶暴達於極點使我光華燦爛之東北都爲倭奴蕩盡無餘凡具血氣之倫莫不

皆裂髮指天，據報載日人侵我野心有增無已，師吞滅朝鮮之故，智藉時局問題研究會名義發表通電陰謀東北獨立，欲使三省領土永歸其掌握，乃漢奸袁金鎧、于冲漢、李香齋、丁幹元等喪心病狂，不惜供其利用，組織所謂遼甯治安維持委員會，奴顏婢膝，斷送國疆，甘作洪承疇、李完用之續直狗彘，之不若爲亟通電全國四萬萬同胞一致奮起，嚴懲國賊，準備熱血頭顱，以與倭奴一併寧爲玉碎，毋爲瓦全，民族存亡在此一舉，臨電迫切，無任翹企。中國國民黨北平特別市黨務整理委員會叩東。

青島特別市黨部一致對日電

南京中央黨部國民政府鈞鑒，各部院全國各省市黨部各省市市政府各機關各團體各報館均鑒：頃致在粵諸同志一電文曰：廣州古湘芹先生轉：在粵諸同志均鑒，內憂正急，外患突生，國事艱危，於今爲烈。據各方電訊，日本軍隊於本月十九日，竟爾侵佔瀋陽，焚毀兵工廠，解除我駐軍警武裝，殺傷市民，不知凡幾。更將我長春營口安東溝幫子等重要城鎮，武力佔領，似此不顧公法，破壞東亞和平，窮凶極慘，實古今中外所未有。

。惡耗傳來，全國憤激。夫日人覬覦滿蒙，其處心積慮，已非一日，今竟無端暴發，乘我之危，凡屬血氣，能不髮指。我國人應各捐除私見，共赴國仇，和衷共濟，急起直追，挽狂瀾於既倒，冀破卵之役完。若執迷如昨，則滅亡立至。先生等同為炎黃裔胄，當此禍不旋踵，千鈞一髮之際，甯忍神州陸沉，永罹浩劫。萬懇通力合作，一致對外，同紓國難，共奠國基。血淚陳詞，敬祈鑒察，中國國民黨青島特別市黨部叩樣印等語。特電奉聞，尙祈一致主張，以維和平，而捍外患，實所至禱。中國國民黨青島特別市黨部叩樣印

平綏路特別黨部籌委會反日救國電

急南京中央黨部鈞鑒國民政府各省市黨部各省市政府各報館轉全國同胞均鑒日本帝國主義者陰賊險狠狼子野心乘我國洪水橫流泛溢成災之際肆行進兵侵略置國際信用於不顧等非戰公約若弁髦盜取遼吉戕害官民主權失於暴力同胞死於非命山河泣血草木爲悲凡有血氣靡不痛憤應如何椎心戚首臥薪嘗胆以期雪此奇恥甯使光華燦爛之大好河山長爲倭

奴隸傲盤息耶迺有漢奸闖朝堂于冲漢熙洽趙欣伯其人者甘作亡國奴竟於日人指揮之下組織所謂東北治安維持會效法滅亡朝鮮之故智以滅亡東三省人之無恥一至此極似此不惜斷送祖國者即係全民之公敵應即起而誅之本會爲此通電全國請即一致奮起聲討務使奸人知所斂跡以救危亡黨國幸甚民族幸甚臨電無任迫切憤慨之至中國國民黨平綏鐵路特別黨部籌備委員會叩元印

津浦路特別黨部整委會一致對日電

南京中央黨部鈞鑒各省市各鐵路各海員各軍師特別黨部各民衆團體各報館均鑒本會本日致黑龍江省馬代主席占山一電文曰倭寇犯黑貴主席督率健兒誓死抗守擊潰獸兵固我國土捷報傳來同聲感奮尙冀愈振精神殲厥醜類爲中華民族爭光榮爲世界和平除障礙謹電慰勞毋任企禱等語竊自滯變發生東北河山淪謗賊手舉國民衆雖奮不欲生誓與倭奴作殊死戰然含忍未發以待公理正義之裁判乃國聯限令撤兵之際彼猶悍然不顧猛烈進攻世界和平決難維繫來日大難何堪設想馬主席孤軍禦寇功在國家凡我國民尤宜奮發力謀團結以救

危亡謹電奉聞諸希亮管中國國民黨津浦鐵路黨務整理委員會叩虞

陸軍第五十五師特別黨部籌委會反日救國電

（銜略）均鑒頃致日內瓦施總代表寒電文曰日本蔑視公理破壞盟約奪我國土侵我國權殺我同胞舉國痛憤府我公出席國聯會議歷經爭辯始有限期撤兵之決議為黨國求生存為民衆解倒懸助勞卓著溥海同欽迺日本仍進窺不已不顧世界和平既無撤兵之準備警報資傳義奮填胸查近日又屆國聯開會之期務希據理力爭以收最後勝利本會誓率全體武裝同志為後盾謹電奉聞並祝努力等語敬乞全國上下一致聲援藉申公理而滅強權不勝盼禱之至樂平第五十五師特別黨部籌備委員會叩寒

陸軍第四師特別黨部籌委會對日佔瀋電

萬急。南京中央黨部，國民政府，蔣總司令，北平張副司令，鈞鑒，各省市政府，各省市黨部，各總指揮，各師長，各公法團，各報館，均鑒，頃閱苛日報載，日軍突於皓晨炸斷我鐵道，砲轟我城市，并隨即佔據我瀋城等處，我同胞慘死無算，軍警紛紛被

壓迫繳械，榮臻參謀長亦被俘去，駐鮮之日軍，并有繼續向遼甯侵進之樣，讀閱之下，五內如焚，查日本帝國主義，近數年來，侵略我國之野心，日益蓬勃，于我國內政，動輒干與，於我國民革命，盡力阻撓，濟南之白骨縱橫，猶歷歷在目，尤有甚者，我東三省十餘年來，無日不呻吟於鉄蹄之下，日有所聞者，惟殺人越貨與砲轟城市而已。種種獸行，言之痛心，聞之髮指，綜合過去之奇恥大辱，至於今日，已忍無可忍矣，今當天災人禍，危我中國，乃日本矮奴，既無救災卹鄰之心，竟作乘危肆劫之舉，喪心病狂，莫此爲甚，務望全國民衆，一致奮起，一方面嚴促粵方覺悟，一致救國，一方面準備全國動員，以禦外侮，更望人存必死之心，共赴國難，雪此奇辱，以挽垂危，不如此，而亡國滅種，迫在眉睫，神州沉淪，轉瞬立至，更何以身爲，望我同胞權衡輕重，計量緩急，以赴事功，則危難之來，庶可挽回于萬一也，謹電奉聞，尙祈鑒察，中國國民黨陸軍第四師特別黨部籌備委員會叩賀印。

陸軍第二十九師特別黨部籌委會反日救國電

（銜略）均鑒日帝國主義者本豺狼之野心用毒辣之手段佔我東省殺我同胞噩耗傳來同深憤慨本會曾發出有日通電請一致抗爭諒邀垂鑒顧我政府酷愛和平日軍暴動之初曾提請國聯秉公制裁使其橫終屈於正義時期撤兵孰意彼竟置而不顧得寸進尺近復變本加厲暴行益張軍艦侵入我內河暴徒盡佈我腹地時勢緊迫亡國卽在目前吾人一息尙存爲民族圖生存誓死奮鬥絕不容此兇殘肆意橫行除電請中央對彼派艦來華繼續暴行嚴重抗議並向國聯宣佈外特電達希一致奮起以挽危亡臨電不勝迫切悲憤之至陸軍第二十九師特別黨部籌備委員會叩寒

陸軍第二十九師特別黨部籌委會反日救國電

（銜略）均鑒無國不幸災難迭乘赤匪蹂躪湘瀝洪水氾濫江淮國勢有累卵之危民命有倒懸之厄而日本帝國主義者竟幸災樂禍突出鐵兵襲佔吉遼屠殺官兵弁髦國際公法破壞東亞和平正義何在人心何存近更變本加厲四出挑釁是其處心積慮不唯吞併滿蒙且將亡我華夏嗚呼濟南之碧血猶腥東北之屏藩將撤我國民人心未死何能隱忍望我全國袍澤團結精神

集中武力聽從中央命令以備與倭奴決一死戰本會全體武裝同志誓爲前驅同赴國難甯作沙場烈鬼不當亡國游民泣行陳詞不勝枕戈待命之至陸軍第二十師特別黨部籌備委員會叩江

國民政府警衛軍第一師特別黨部執委會誓死救國電

急各省市市政府各省市黨部各團體各報館并轉全國同胞公鑒頃上中央執行委員會一電文曰南京中央執行委員會鈞鑒日侵佔我東北慘殺我同胞焚掠我財庫國家存亡危在呼吸本會暨全體黨員悲憤之餘誓與日本帝國主義作最後之決鬥經第一次執行委員會議決建議鈞會五事（一）全黨同志一致團結（二）集中全國人材（三）永久對日經濟絕交（四）實行徵兵制度（五）各學校實施軍事訓練理合錄案電呈尙懇俯賜採納施行以救危亡黨國幸甚民族幸甚等語國家興亡匹夫有責本會率全體黨員磨礪以須誓死救國義無反顧尙祈一致奮起環請中央實施上述主張共圖抗彼日寇復我主權臨電不勝迫切之至中國國民黨國民政府警衛軍第一師特別黨部執行委員會叩歌印

陸軍第十二師特別黨部執委會反日救國電

中國國民黨中央執行委員會鈞鑒國民政府各院部勛鑒暨各報館轉全國同胞公鑒日帝國主義陰毒險狠覬覦我國土者久矣五三萬鮮慘案在在事實昭著乃猶不足以稍戢其野心近復乘我大舉剿赤救災不遑之際藉口中村事件出重兵以襲我東三省計自十八日起已佔領我瀋陽長春吉林皇姑屯新民等地鎗殺我毫無抵抗之人民焚燬我毫無敵性之房舍甚至擄禁我軍民長官奪佔我兵營工廠無綫電台狼奔豕突無所不至其蔑視國際公法違反人類道義誠開歷史上未有之先例凡我同胞稍有血性誰不髮指夫日本不過一扶桑小島耳昔曾齎貢入朝曾幾何時今竟一變猙獰面目一再侵略我國土奪取琉球台灣之不足復又強佔我東三省直非將我亡國滅種不止嗟我堂堂華胄豈竟甘心受其逼辱至此當茲外患已急國脈存亡絕續之際絕無不自振而能望人援助之理惟有舉國團結一致蠲免政見同禦外侮共赴國難實行不合作主義以制其經濟上之死命努力武裝自衛準備宣戰以收復我已失之屏藩尤望我政府乾綱獨斷迅予確定對日方針準備即日動員本師全體武裝黨員責維救國瀝血斷頸義無反顧願作先鋒誓爲戰死不願生還迫切陳詞惟希明鑒中國國民黨國民革命軍陸軍第十二師特別黨部執行

委員會魚印

陸軍第十三師特別黨部抗日電

(銜略)均鑒此次日本帝國主義者突以武力侵奪東三省其暴厲行爲日來有加無已凡我國人無不義憤填胸鬚髮指湖彼日人貪狠陰謀蓄之已久固非一朝一夕之故不惟視我國如無物其蔑棄人道亦早已置國際公法於不顧此時徒恃外交理論決不能戢彼野心黨員等份屬軍人捍禦外侮尤爲第一天職何況以我四百萬方里之地百兆之人民受此奇恥大辱是誠生不如死惟有籲應鈞座毅然主戰率我理直氣壯之師一心一德之民爲國家爭危急而戰爲民族爭存亡而戰本師黨員甯作疆場戰死之雄鬼誓不與之共覆載也謹環甲執戈以待復命國民革命軍陸軍第十三師特別黨部叩感

陸軍新一十師特別黨部誓死抗日電

報館轉各級黨部各級政府各機關各法團暨全國同胞公鑒中國不幸禍患頻乘天災尙待補救外侮又忽襲來日本帝國主義者借假中村事件竟冒天下不韙違背凱洛公約破壞東亞和

平出兵侵佔我東北邊疆實行其所謂大陸政策擄殺我軍民長官劫毀我兵營工廠近復進窺平津企圖膠濟驚耗播傳舉國同憤溯前二十一條奇恥未雪五卅慘案之血痕猶殷萬寶山下之冤尸待埋而今瀋陽城畔之腥氣又聞喪權辱國新舊蠱層倭寇小兒誓不共天凡我同胞際此賊入腹地危迫眉睫皆應及時猛醒各自奮起凜匹夫有責之義遵和平奮鬥之訓一心一德羣策羣力泯祛政見之歧化除黨派之爭存臥薪嘗膽之苦志抱破釜沉舟之決心作外交之後盾為救國之先鋒枕戈待旦披甲候命甯為戰死之鬼莫作亡國之民共禦外侮匡扶頹運末日將至幸勿後人謹掬血忱含淚奉陳臨電迫切曷勝企禱之至安徽懷遠縣駐軍新編第二十師特別黨部縣黨部縣政府縣商會縣農會縣教育會水災賑濟會水陸公安局建設局財政局教育局各區區公所各業工會各同業公會各學校各法團暨全縣民衆同叩宥

陸軍第四十六師特別黨部抗日電

(銜略)均鑒暴日無狀乘人之危值我國巨浸滔天救死不暇之時竟侵佔我東三省各要地肆行屠殺姦淫焚掠無所不用其極兇耗傳來聞之髮指當此大難臨頭之日務望愛國同胞一

心一德化除成見團結奮起本部願率全體武裝同志誓作前驅同赴國難臨電迫切不知所云陸軍第四十六師特別黨部叩感

陸軍獨立第二十三旅特別黨部一致抗日電

(銜略)均鑒日帝國主義者侵略我國包藏禍心得寸進尺五三九之國恥未雪朝鮮慘案之碧血未乾而乃竟又演襲五三故技實行佔我東三省殺戮我同胞捕押我官吏焚毀我官署破壞我交通焚殺搶掠任意荼毒視國際信義如弁髦等國權民命若草芥若不力爭則行見大好山河淪為異域華胄血統永陷淪夷默誦三鷓鴣為元不寒而慄民族存亡此其關鍵深盼我全民上下同心協力共謀抵制任何犧牲在所不惜當被兇殘以抒民難須知東北同胞可殺則民人無不可殺滿蒙可侵則內地無不可侵禦外侮所以固我民土保民族所以衛我身家敵曾愛民不敢後人禦侮尤屬義無反顧願率本旅全體同志整戈待命誓為外交後盾臨電悲鳴無任待命陸軍獨立第三十三旅特黨部叩迴

陸軍第六十五師特別黨部籌委會共禦外侮電

（銜略）均鑒日帝國主義者，爲貫澈侵略滿蒙政策，竟逞獸行，突襲我東三省，殘殺我軍民拘捕官吏，并毀壞我兵工廠飛機場及各要塞，現且增兵西進，有威脅全國之載，民族危亡，間不容髮，凡有血氣，誰復能忍，望全國同胞，一致奮起，抱有日無我之決心，作破釜沉舟之一擊，如其忍辱而死，孰若奮戰而死，熱血沸騰，請纓紛起，甯願血濺噬奴戰死亦所甘心，尙祈舉國上下本此決心，同仇敵愾，國家生存或有一線，臨電揮淚，憤不成詞陸軍六十五師特別黨部籌備委員會叩敬

陸軍第四十八師特別黨部籌委會一致對日電

（銜略）均 頃致中央執行委員會暨粵方江陳古李諸先生電文曰，南京中央執行委員會鈞鑒，頃據報載日本於十八日以武力襲據瀋陽，並於次日佔據長春撫順等處，屠殺我國官吏人民不計其數。惡耗傳來，悲憤交集，其慘無人道，蔑視國際公法，已達極點，似此咄咄逼人，國家民族永將淪胥，應請迅予對日提出嚴重抗議，甯爲玉碎不爲瓦全，務須達到完滿解決，本會同仁誓率全體武裝黨員爲外交後盾，臨電迫切不勝憤慨待命

之至，又致廣州汪精衛先生孫哲生先生李德隣先生陳伯南先生均鑒，頃據報載日本以武力佔據瀋陽長春撫順。屠殺官吏，人民不計其數，惡耗傳來，舉國震恐同志等均屬黨國先進對此不知作何感想，敵愾同仇諒具決心，務盼化除私見以息閭閻之爭，而一致對外，國家幸甚，民族幸甚，臨電迫切佇候明教等語特達，尙希一致主張，務期達到圓滿解決不止，陸軍四十八師特別黨部籌備委員會叩馬

陸軍第四十一師特別黨部一致對日電

（銜略）均鑒日本帝國主義者，狼子野心，窮兇極惡，替已置我民族爲俎上肉，要我國家爲殖民地，處心積慮，爲日已久，過去之重迭慘劇，至今回溯，猶有餘痛，最近萬鮮慘案，日人自知理屈。竟虛構中村事件，藉圖掩護，挾暴力揭露其猙獰面目，強佔我瀋陽，炸燬我兵工廠，且又進兵營口，大有封豕長蛇薦食上國之概，哀我國民何以堪此，凡有人心，能不髮指，夫東北爲我國領土，日人竟實行其大陸政策，違背國際公法，蔑視我國主權，擾亂世界和平，不僅爲我國之仇讎，抑亦世界人類之公敵，我國家若

不急謀抵抗，則我國國際地位益形低落，行見我莊嚴瑤燦之山河，悉爲倭奴所盤據，神靈黃帝之華胄淪爲異族之囚奴，當此國勢危急存亡之秋，尙望舉國同胞，一致奮起，共赴國難，滅此朝食，本師全體武裝同志，荷戈待命，誓作政府之後盾，臨電迫切，不勝憤慨之至。陸軍第四十一師特別黨部籌備委員會叩養

陸軍第十九師特別黨部一致對日電

（銜略）均鑒吾國不幸，天災人禍，紛至沓來，強暴東鄰，遂利用時機，實行其侵略政策，假莫須有之中村事件，如露頹之兇橫，竟於巧晚襲據瀋陽，捕殺官吏人民，焚毀銀行砲廠，所有現金融器悉數運返東京，似此橫暴行爲，直視我四萬萬同胞爲無物，按日本素以帝國主義自雄，然此次違反非戰公約，必爲世界各國所不容，弁髦人類公理，必爲天地神明所共棄，我國民遭此忍無可忍之絕境，惟有死中求活之一途，伏懇我政府當局，全國同胞，毅然決然，定全國總動員之計劃，甯爲玉碎，不爲瓦全，拚命毀具，同赴國難，一面通電歐美，取得世界人類之同情，一面消弭內爭，原集一致禦侮之實

力，千鈞一髮，存亡所關黃祖武馮義無反顧，本師武裝同志，義憤慷慨，枕戈待命，情急勢迫，電涕陳詞，臨電徬徨，伏祈鑒納，陸軍第十九師特別黨部叩有

陸軍第七師特別黨部執委會一致抗日電

南京中央黨部國民政府鈞鑒各機關各法團各報館轉全國同胞均鑒，此次日本帝國主義者，乘我災疫蔑視人道，破壞東亞和平，違背國際公法，遽行出兵我東北，進遼我瀋陽長春撫順等各要地，繳我軍警武裝，拘我官吏，肆意屠殺我同胞，並毀我東北大學兵工廠及各重要建築物，橫蠻之狀，世界罕聞，武力侵略，進行無已，凡我國人，莫不髮指眦裂，誓與日本帝國主義者拼命奮鬥，本師全體武裝黨員，執戈衛國，素具決心，秣馬厲兵誓為外交後盾，剖肝瀝膽，甘作民衆前驅，望我全國同胞，一致團結奮起，雪此奇恥大辱，保我領土，救我人民，國家前途，庶乎有豸，整裝待命，不勝迫切盼禱之至，陸軍第七師特別黨部執行委員會叩敬印

陸軍第七十四師特別黨部籌委會抗日救國電

萬急中央執行委員會國民政府蔣總司令張副司令鈞鑒各級黨部各總指揮各軍師長各省政府全國各機關各團體各報館各同胞同志均鑒倭寇乘我之危不宣而戰佔據我地土殺戮我軍民滅絕人道背棄信義思之痛心言之髮指凡有血氣能無義憤此而可忍孰不可忍我國本先禮後兵之主義姑作忍辱負痛之計委諸國聯聽憑公裁因爲交涉上不可缺少之步驟惟所謂非戰公約國際公法者本身之威權是否能制止倭寇之兇暴保障東亞之和平殊屬一大疑問在人不可恃在已猶可爲事急矣寇深矣當此危存亡之秋洵我臥薪嘗胆之時大難當前萬望全國同胞本黨同志勿以五分鐘之熱度再事因循誓必一致奮起共赴國難抱甯爲玉碎不爲瓦全之決心如其生爲亡國奴何如死作殺敵鬼成仁取義此其時矣願我國人其共勉旃臨電不勝悲憤之至中國國民黨陸軍第七十四師特別黨部籌備委員會叩蒙

陸軍第五十二師特別黨部籌委會反日救國電

南京中央黨部國民政府陸海空軍總司令蔣副司令張鈞鑒各省市縣黨部各省市市政府各軍師長各機關各民衆團體各報館並轉全國同胞均鑒本會頃上中央一電文曰據各地報載電

訊日本帝國主義者乘我天災赤禍靡暇邊事之秋不惜違反非戰公約破壞世界和平突出重兵攻佔東北據我領土燬我室家掠我財帛屠我人民復封鎖渤海侵佔煙青陳兵津滬窺伺中原驅耗傳來不勝痛憤竊思日本帝國主義處心積慮謀我中華已非一日五九之奇恥未雪五三之血跡猶腥蠶蝕未厭益肆鯨吞近復變本加厲藉口中村事件踵萬寶山朝鮮慘案繼起此種有計劃有步驟之行動勢將不吐哺我民族顛覆我邦家不止賊鋒寇刃入我腹心壘卵危巢爭茲頃刻懇我中央當機立斷集全國之民力兵力財力以與彼倭奴作殊死戰甯甘玉碎恥爲瓦全本會誓率全師武裝黨員爲政府後盾作殺敵先驅倚戈待命不勝痛憤之至等語務希全國同胞一致憤起集中全力對抗倭奴誓將熱血爲死難同胞復仇還我山河爲中華民族雪恥臨電痛切曷勝髮指陸軍第五十三師特別黨部籌備委員會叩有印

陸軍第五十七師特別黨部團結對日電

河南省黨部勛鑒本會頃上中央電一通文曰南京中央執行委員會鈞鑒日人詭譎包藏禍心對我滿蒙更多覬覦今日出兵明日屠殺種種暴烈手段無所不用其極甲午而後無日無之我心對我滿蒙更多覬覦今日出兵明日屠殺種種暴烈手段無所不用其極甲午而後無日無之我

國徒以內亂頻仍未遑聲討忍辱含尤以有今日詎彼矮奴竟乃變本加厲於本月十八日公然乘我天災匪患之際出兵進犯滿洲一晝夜間遂佔領我瀋陽長春撫順安東錦州營口等處焚燒劫掠十室九空殺戮人民委任官吏廬舍蕩於烽煙脂膏淬於鋒鏑是可忍孰不可忍伏乞我中央通令全國團結內部一致對日從速取斷然處置通電各友邦政府請求主張公道再集合全國實力大張撻伐務使強權屈服公理得伸還我山河雪我宿恥屬會誓率全師官兵爲討日先驅事之嚴重莫過於此國家存亡在此一舉臨電惶悚不勝迫切待命之至陸軍第五十七師特別黨部籌備委員會叩艷印等語尙希全國同胞一致團結共赴國難以救危亡臨電迫切諸維鑒察陸軍第五十七師特別黨部籌備委員會叩艷印

陸軍第二師特別黨部一致奮起抗日電

（銜略）均鑒頃上中央執行委員會一電文曰中央執行委員會鈞鑒此次日軍無端佔奪我遼吉諸要地。野蠻暴虐行爲自有歷史以來。各國無此先例，盟耗傳來。莫不髮指。本會武裝同志。已枕戈待命，共赴國難，前經電請鈞裁在案，近據報載。日本尙繼續進軍

，暴行未已，似此兇橫殘暴實已無理可喻，應請鈞會當機立斷，下令對日宣戰，本會全體武裝同志。願爲前驅，死生以之義無反顧，迫切陳詞，不勝待命之至等誠此次日軍暴行，關係整個民族國家之存亡。務望全國同胞一致奮起，羣策羣力，共挽危亡，一德一心雪此恥辱，臨電不勝悲憤迫切之至，陸軍第三師特別黨部叩

陸軍第二十四師特別黨部籌委會共赴國難電

萬急南京中央黨部國民政府各院部會北平副司令行營南昌開封武漢行營鈞鑒各省市黨部各省市政府各軍師特別黨部勛鑒各法團各報館海外華僑暨全國同胞均鑒倭奴暴橫又藉口中村失蹤事件向我逞兵佔據我城市轟毀我砲廠殘殺我居民掠奪我財產蔑視世界公理破壞東亞和平韓境之鮮血未乾東省之屠殺又起奇恥大仇不共戴天望我政府民衆及全國武裝同志一致團結共赴國難本會全體武裝同志素志爲國誓把犧牲甯爲戰敗而死不願忍恥偷生環甲執戈不勝憤激待命之至陸軍第三十四師特別黨部籌備委員會叩迴印

陸軍第十八師特別黨部抗日電

（銜略）均鑒日本帝國主義者，最近乘我國救災剿赤之時，竟不顧公理，出兵東三省攻陷瀋陽長春營口新民等處，強佔我土地，殺戮我人民，拘押我官吏，暴行所及慘不忍言，噩耗驚傳，孰不憤慨，際此外寇已深之日，實有覆巢同盡之危，物腐而後蟲生，自侮而後人侮，苟不自外於中華民族自當同難雪此奇恥深仇，本師衛國保民，責無旁貸，謹率全師武裝同人，誓以銜血，與之周旋，所望全國同志同胞，各本臥薪嘗胆之心，力謀閱牆禦侮之誦，衆怒難狃專欲難成祇有不 之民心，決無可懼之外寇，邦人君子，尙其鑒之，臨電激昂不盡一一，陸軍第十八師特別黨部執行委員會叩養印

陸軍第十六師特別黨部一致抗日電

（銜略）均鑒，倭奴恃強，憑凌我國，歷年暴行，罄竹難書，近乘我國赤氛未靖，水患正殷之際，無故出兵佔我遼瀋，囚我官吏，殺我人民，焚燬我武庫，破壞我交通，現更積極動員，分途進擾津濟各地，凡有血氣之倫，聞之莫不皆裂，國亡無日，良可痛心，本會謹率全體武裝同志，追隨全國國民，誓賦仇只紓國難，甯爲玉破毋爲瓦全，舊

恥新仇，瀕以鐵血，與其作他年之奴隸，甯爲此潛之鬼雄：與其忍恥以苟全，曷若爲國而戰死，臨電迫切，諸希垂察，中國國民黨陸軍第十六師特別黨部籌備委員會叩禱

陸軍第四十一師特別黨部反日電

南京中央黨部國民政府各院部鈞鑒各省市黨部各省市政府各軍師長各鐵路海員軍隊特別黨部各法團各學校各報館鈞鑒，查日本帝國主義之壓迫我民族，數十年來，愈演愈烈，二十一條之奇恥未雪，濟南慘案之血跡未乾，而萬鮮慘案之接踵以起，侵略我領土，戕殺我同胞，倒行逆施，無所不用其極，蓋其視滿蒙爲領域，蓄謀佔據，已非一日，此次慘案發生，顯係其陰謀主使，乃彼倭奴之二次復照，反強詞奪理，以矇蔽世人之耳目，另一面則積極進行其侵略政策，最近又指使其僑民屠殺青島市民，以圖復佔，揆其處心積慮，非消滅我民族，盡有我土地不已，是可忍也，孰不可忍，尙望全國同胞，一致奮起，厲行經濟絕交，以制其死命，更望我政府實行革命外交，嚴重交涉，本會謹率全體武裝黨員，以爲後盾，誓達圓滿解決結果，臨電不勝憤激之至，中國國民黨國民革

命軍陸軍第四十一師特別黨部籌備委員會叩世

中央陸軍軍官學校特別黨部抗日救國電

各省市黨部各特別黨部各報館轉全國同胞公鑒我國不幸外侮頻仍倭寇橫暴侵我國土遼吉被佔龍江陷落東北同胞之鮮血未乾東南沿海之警訊又至噩耗頻傳哀憤欲絕彼日本帝國主義者得寸進尺愈逼愈緊非特違犯國聯之決議破壞世界之和平抑且視我中華民族有如鷄犬任其屠殺蹂躪而不敢稍加以反抗此而可忍孰不可忍本黨第四次全國代表大會秉承總理遺教爲維持世界和平爲伸張國際公理爲保全國家人格並爲求得吾民族本身之生存起見一致決議擁護國民政府蔣主席北上守衛國土恢復失地聞訊之下無任興奮吾民族雖以愛好和平著稱於世然際茲國際正義消滅國聯威信掃地之日吾人爲捍衛國土而與暴寇作城下之戰當爲世人所共諒亦爲本身所必需本會除竭誠擁護蔣主席北上守衛國土恢復失地外並願率四八千武裝黨員秉承中央政府命令開赴邊疆與暴日作殊死戰以熱血滌奇恥與國家共存亡臨電迫切毋任憤慨中國國民黨中央陸軍軍官學校特別黨部叩漾印

十，各縣黨部對瀋陽案之文電

鄆城縣執行委員會誓死抗日電

南京中央黨部國民政府各級黨部各級政府各法團各報館均鑒本月二十日接中央廣播無線電台報告北平十九日電：日軍在黃姑城拆毀路綫十八日午後四時攻擊北太永大砲十餘聲後佔領我國軍隊奉令退却。途被日機打十九日午後由瀋陽大西門進佔各機關及電台飛機場兵工廠被圍榮臻被押傅作義被監禁軍警均交械人民死傷無數瀋陽對外交通斷絕北甯路皇陵由日軍警衛如中國人民經過均被槍斃同時佔領安東鳳凰村等處繼又佔領長春錦州新民新城溝幫子等處到處侵略等語側聽之下怒焉毛立查彼日本帝國主義對我滿蒙素抱侵吞之野心盡其蹂躪之能事二十一條提出於前濟萬兩案繼演於後而佔領瀋陽慘案又復實現於今日噫睡獅不醒國亡無日矣本會除立即奮起對日決絕經濟斷交並率全縣四十萬人民作革命外交後援外特此電達尙望一致奮起嚴重主張務獲勝利以抒國難是所至禱中國國民

黨鄆城縣執行委員會叩養

陳留縣執行委員會團結禦侮電

衛略頃接各方噩報，日本軍隊，突於本月十八日晚十時佔據我瀋陽，繼續進佔我安東營口遼陽長春青島等地，遇人搶殺，到處焚掠，其蠻橫行爲，實爲世界列強所僅見，日帝國主義者，自採新滿蒙政策以來，蠶食東省，匪伊朝夕，乃乘我洪水洪流赤氛未滅之時，悍然出兵，佔領我奉吉重要各地，進窺我平津，並封鎖我華北海口，東北半壁，亡於俄頃，凡有血氣，無不憤慨，我陳壤地雖小，而血性未泯，願率十三萬未死難民，與倭奴作殊死戰，並望我全國同胞，目擊國難，捐除私忿，同卅共濟，以禦外侮，否則國牆之門未終亡國之禍立見，本縣心所謂危，用特電達，尙希海內外同胞同志，團結起來，一致捍禦，積極力爭，以固版圖，臨電不勝流涕激昂之至陳留縣黨部縣政府各機關各團體各學校漾印

杞縣執行委員會奮起抗日電

中央黨部國民政府河南省黨部省政府鈞鑒各級黨部政府各法團各報館轉全國國民鈞鑒，頃閱北平皓晚十時專電，驚悉駐瀋陽日本軍隊，巧晚六時，突然採取自由行動，炸斷鐵路開始軍事行動，我軍民因無抵抗，死傷無算，皓晨二時，日軍更以重砲轟擊北大營，瀋陽全城，陷於混沌狀態，日軍遂於皓晨六時，完全佔領瀋陽城及兵工廠，長春撫順等處，日軍亦實行佔領，中國軍警，均被繳械，東北邊防司令長官公署參謀長榮臻，亦被擄去，日本同時向營口進兵，且有挺進模樣，北甯路之有無電線，均不通報各等語，得此噩耗，痛亡國之將至，悲憤填膺，恨倭奴之無理，五衷俱裂，無端向我興戎，無非爲實行其武力侵略我滿蒙之一貫政策，借口飄渺無據之中村事件，以圖作師出無名之抵賴，根據倭奴之橫暴，至於此極，凡我國人，誰不當念國勢之岌岌，忱惕亡國之慘禍，泯除內爭，共禦外侮，尤宜抱必死之決心，同毀家而抒國難，務望我舉國上下，總動員起來，對日本倭奴決一死戰，以與我國家民族爭生存，同胞同胞，時極矣，勢迫矣，亡國滅種，禍迫眉睫，救國自救，責無旁貸，我全國同胞，其一致奮起，共抗強鄰，

以圖救國自救，臨電不勝激憤感慨之至，中國國民黨杞縣執行委員會叩漾

中牟縣黨務整理委員會共赴國難電

各級黨部各級政府各法團各報館暨全國國民鈞鑒，近閱報載，日軍於十九日晨以武力強佔我瀋陽城，軍警紛被繳械，公務人員盡被驅逐，並俘去參謀長榮臻，監視遼主席臧式毅，軍民痛被殘殺，全市大肆焚燒，更出兵吉林青島山海關等處，大有吞併全滿進窺平津之勢，閱讀之下！不勝憤慨。查日本帝國主義者，向抱侵華野心，既奪我台灣朝鮮復佔我旅順大連，最近之濟南慘案與夫萬縣慘案，皆日帝國主義者之直接間接向我進攻，前者之血跡未乾，重恥未雪，乃不料竟有千百倍於前之恥辱臨頭，嗚呼倭奴之亡我國家，滅我種族在此時矣，是而可忍，孰不可忍，願我全黨同志全國同胞，一致奮起，共赴國難，臨電無任憤慨企盼之至，中國國民黨中牟縣黨務整理委員會叩敬

扶溝縣執行委員會一致抗日電

各級黨部各級政府各機關各法團各學校各報館暨全國同胞均鑒頃上河南省黨部一電

文曰連日報載駐滬日兵突然自由行動進佔我東三省各地封鎖我海口砲轟我城池焚燒我工廠俘禁我官吏屠戮我軍民近仍繼續進攻侵及內地噩耗傳來不勝髮指溯東夷倭奴謀佔我東三省冀圖併吞全國匪伊朝夕二十一條之血淚未乾濟南之慘案又起近則萬鮮慘案瀋陽慘案層出疊生禍迫眉睫值我赤匪方張水災奇重舉國飢溺之際日奴乘人之危竟出此亘古未有之兇殘暴行不僅爲文明國家所罕見抑且爲野蠻社會從未聞其藐視我國主權弁髦國際公法殊令人憤恨欲絕本會悲痛之餘爰於第六次常會決議一，呈請省黨部轉呈中央飭令日軍立即撤退否則即用武力驅逐出境二，通電全國同胞一致武裝起來準備對日宣戰三，電請粵方同胞立即息止內爭共同抵禦外侮在案理合錄案具文呈請鈞會轉呈中央函國府立令日軍退出國境否則即集中軍隊武力解決則國家幸甚等語外患日迫國難當前邦家興亡民族成敗千鈞一髮尙望各界同胞奮起圖之臨電不勝悲憤之至中國國民黨扶溝縣執行委員會宥印

禹縣黨務整理委員會奮起對日電

全國同胞均鑒：日本帝國主義者，垂涎滿蒙，已非一日，萬寶山朝鮮等事件，屢次

尋覓，希圖藉故出兵，奪我東省，燬我公署。繳我軍械，屠我同胞，血肉橫飛，傷心慘目，有直逼平津之勢。華北一帶，危在旦夕，其意義之重大，迥非以前各次所可比擬，當此千鈞一髮之際，正吾人捨身報國之時，本會僅率全縣黨員願赴疆場與日帝國主義作最後之週旋，抱國存與存之決心，立甯死疆場不作亡國奴之堅志，願全國同胞一致抗日，不達目的不止，國難臨頭義無反顧，臨電迫切，不勝待命之至，中國國民黨禹縣黨務整理委員會 賈儉叩

宜陽縣黨務整理委員會武裝對日電

（銜略）均鑒：頃閱報載駐我東三省之日本軍隊突取軍事行動於九月十八日晚佔領我瀋陽撫順長春等處屠殺我同胞無算併向我內地挺進噩耗傳來悲憤塞胸查倭奴狼子野心早具亡我中華之獸慾惟我人心不醒致有二十一條約之威迫繼進不已復演五三濟案之慘局製造萬鮮兩案嗾使韓人排華節節蹂躪我主權屢次屠殺我同胞目我中華為玩物視我同胞為魚肉近竟乘我水災匪禍國難方殷自救不遑萬分危急之慘機藉口虛無飄渺之中村案件突佔

我瀋陽等地屠殺我親愛軍民大舉進犯長驅直入勢欲直搗內地併我國土野心獸行一至於斯國亡種滅迫在眉睫倘不一致團結武裝敵抗則亡國慘禍定無倖免本會謹以萬分哀誠泣望我上下朝野全國同胞立即消泯意間化除派別澈底合作共赴國難抱必死之決心與倭奴作最後之週旋生死存亡在此一舉國難危急不容躊躇本會誓率全體黨員全縣民衆武裝以待臨電泣血無任悲憤迫切待命之至中國國民黨河南宜陽縣黨務整理委員會叩馬

鞏縣黨務整理委員會反日救國電

中央黨部國民政府鈞鑒各級黨部各級政府各軍事長官各人民團體各法團各報館均鑒今忽霹靂一聲驚聞日本無端開釁捏詞誣我華軍炸南滿路遂於巧日悍然出兵砲擊我兵營焚燬我兵工廠俘虜我長官屠殺我兵民佔領我瀋陽遼甯長春安樂營口溝幫子錦州連三灣等地近且進佔我山海關封鎖我渤海口進逼平津控制我隴海開兵我煙台龍口佔據我上海廈門華南華北形勢危急萬狀逃聽之下不勝髮指眦裂義憤填膺查日本帝國主義者毒狠爲心豺狼成性溯自甲午以還其處心積慮滅我中國者未嘗一息或止試觀五三之血跡未乾萬鮮之屠殺又

起近復乘我國天災人禍之際變本加厲無端稱兵陷我名城佔我海口着着進逼侵入內地此誠千鈞一髮之際危急存亡之秋也嗟嗟大難當前國亡無日皇皇華裔勢將變為倭寇之奴隸茫茫神州瞬即淪為東夷之領土稍有血氣甯不痛心一旅可以興夏三戶可以亡秦以新嘗膽勾踐卒能復越擊楫渡江祖狄終可興晉國家有難匹夫有責多難可以興邦衆志可以成城凡我同志同胞分屬國民志應救國甯可玉碎勿為瓦全本縣除率全縣三十萬民衆積極準備武裝聽命對日宣戰外謹電請各方一致主張早息內爭一心一德共赴國難以救危亡則黨國幸甚臨電迫切不知所云幸垂鑒焉中國國民黨鞏縣黨務整理委員會叩沁

確山縣黨務指導委員會反日救國電

（銜略）均鑒日本此次為貫徹其滿蒙政策，藉口莫須有之中村事件，佔據我東北領土，屠殺我無辜同胞，勒禁慘斃我軍政長官；近更封我海口，進兵魯燕，錦綉山河，淪於異邦；神明華胄，將不血食！際此千鈞一髮，危急存亡之秋，凡我國民，都應惕厲憤勉，精誠團結，抱破釜沈舟之決心，具賊我不兩立之概念，甯為疆場戰死鬼；萬勿生為

亡國奴！事急矣！國危矣！種快滅矣！同胞！同胞！同胞！其各奮起，共赴國難，臨電悲憤，諸希亮察！中國國民黨確山縣黨務指導委員會叩陷

商水縣黨務整理委員會一致抗日電

十萬火急各級黨部各級政府各軍事長官各團體各報館暨全國同胞均鑒迭據報載暴日逞兇傾師寇我佔據遼吉進窺平津更繼續增兵分途進犯惡勢洶洶棄公理如草芥碧血滴滴視吾民若馬牛嗚呼濟南城畔之英魂依然含冤於泉下萬寶山前之慘劇猶未終場於中乃復佔據我領土俘擄我大員彼何人斯若是之猶惡耶予何人哉能受其蹂躪乎同胞同胞速起速起國將不國時迫事急誓死踏平三海島切勿熱度五分鐘一致動員作政府後盾萬衆同心雖滄海能填尚祈全國四百兆同胞披甲待命願率商水三十萬民衆執戈前驅此誓此志之死弗移含悲臨電希垂察焉中國國民黨商水縣黨務整理委員會叩先

潢川縣黨務整理委員會誓雪奇恥電

南京中央黨部國民政府鈞鑒各級黨部各級政府各法團各報館全國各界同胞均鑒頃據

報載及各方電訊謂日軍突於皓日佔奪瀋陽長春等處殘殺同胞無算更復強佔青島烟台等地向我境內挺進器耗傳來心肝俱碎倭奴之慘暴竟至於斯其極眼看東北版輿不復我有亡國之禍迫在眉睫矣查日本侵略滿蒙早具野心近假虛渺之中村事件視爲千載難得機會遂明目張膽恃暴橫行強佔我國領土屠殺中華民族不顧國際公法破壞東亞和平堂堂華胄竟被倭奴欺凌若斯可忍從此國將不國外侮頻至國難迫亟熱血未冷之同胞安能坐視神州沉淪其速消除鬩牆之爭共圖禦侮之策謹以萬分哀誠懇請全國軍隊悉調華北與暴日決一死戰全國同胞努力團結一致動員抱國亡與亡國存與存之決心與倭奴周旋同胞時事緊迫應亟猛醒同心同德共禦外侮挽救危亡雪此奇恥臨電悲憤不勝髮指中國國民黨河南省直屬潢川縣黨務整理委員會潢川縣政府同叩儉

獲嘉縣黨務整理委員會對日宣戰電

河南省黨務指導委員會鈞鑒查日本帝國主義乘我內亂未息赤匪將平洪水成災之際甘犯國際公法悍然出兵侵佔我長春瀋陽營口等處屠殺我官吏同胞焚燒我房屋兵工廠並繼續

出兵進佔吉林及沿海要埠大有蕙捲東北鯨吞華土之勢國家垂亡迫在眉睫不爲背城一戰必遭滅亡之慘本會對於奇恥大辱奮不欲生誓願率領獲嘉十數萬民衆爲國捐軀共撻倭奴還我領土特此電懇轉電中央迅予對日宣戰不勝迫切待命之至中國國民黨河南省獲嘉縣黨務整理委員會叩歌

孟津縣黨務指導委員會禦侮殺仇電

南京中央黨部，國民政府，各院部，陸海空軍總司令部，各省市縣黨部，各省市縣政府，各軍事長官，各人民團體，各法團，各機關，各學校，各報館，暨全國同胞公鑒，日本倭奴，素具野心，東陸覬爲版圖，滿蒙視作已有，然侵略政策，暗中設施，猶不敢遽然肆橫也，嗣後二十一條件之逼迫，五三濟南之慘案，肆其毒辣，逞其野蠻，猶不敢公然擴大也，奇恥鉅辱，紛至沓來，吾國祇以內訌未靖，不得不稍事隱忍，而該倭奴弗自醒悔，竟視我爲涼血動物，一似牛馬奴隸，儘可任意凌辱者，故於本月巧號各日，明目張胆，悍然出兵，進據瀋陽青島烟台連山灣等地，人民被其殺戮，房舍被其火化，

兵工廠被其焚燒，各軍港被其佔領，炸燬我鐵道，截斷我郵電，俘虜我同胞，槍斃我軍官，復又節節進逼，處處增兵，勢非遍踞我全國滅盡我民族不止，嗚呼，是誠我國千鈞一髮，危急存亡之秋也，噩耗普播，有不憤慨同深，痛哭聲嘶者，其亦全無心肝者也，嗚呼，我同胞能忍家室任其盤據，產業任其自由乎，能忍身首任其手刃，婦女任其姦淫，子孫任其宰殺乎，如能忍受，斯則已矣，如不能忍，而國家淪陷之禍，已在眉睫，父子滅亡，夫妻分離之慘，業到頂頭，倘再以五分鐘之熱度，徒爲悲憤，而不茹苦含辛謀所以抵抗之方。敢斷言仍不免於亡種也，爲今之計，惟有我全國同胞，一致奮起，敵愾同仇，共赴國難，負弩執戈，候命前驅，再由總副司令本全國之意志，集合軍民，爲備戰之計劃，誓死對外，此次倭奴，師出無名，恣肆橫暴，野蠻兇惡，違反凱洛克非戰公約，其受世界公理之制裁，當在意中，加以我國種族，虎口餘生，拚命血戰，勢必追亡逐北，犁庭掃穴矣，嗚呼，汪鏡雖稚尙能死難，三戶雖寡，猶克亡秦，以我四千萬方里之中國，四百萬萬之同胞，精神團結，堅持到底。前仆後繼，作殊死戰，而猶不能滅

彼區區之三島，收回已失之領土，恐決無是理也，本府會於驚駭異常中，謹率

全縣十三萬同胞，積極爲武力之準備，務望全國同胞，具毅然決然之心，一致起來，爲禦侮殺仇之計，大禍已至，勢難稍緩，人誰不死，惟在成仁，同胞乎，同胞乎，國家存亡，民族生滅，在此一時，其亦自覺自悟，臥薪而嘗胆乎，臨電不勝涕泣翹盼之至，孟

津縣黨務指導委員會
政 府 叩 符 印

汝南縣黨務整理委員會共赴國難電

（銜略）均鑒我國近年災祲頻降民半流離今秋洪水襄陵懷山死者浮屍江河生者奄奄一息厥狀之慘亘古罕觀全球人士莫不天良發現捐金助賑此誠人類好善異於他動物者乃獸性日本幸災樂禍竟乘我災黎遍地全國上下正救死撫生之時於本月十九日突開大兵犯我邊疆強佔我省曾槍殺我軍民逮捕我軍政長官轟擊我兵營砲艦燒殺奸擄恣意所爲遼吉黑三省日軍所到之地盡換爲日本旗幟改作町畝名稱儼然以朝鮮對待我國山河破碎宗邦淪亡凡我

華胄能無痛哭本會睹茲危迫情狀開臨時緊急會議議決一，呈省黨部轉中央通令全國中等以上學校立施軍事訓練以備對日二，呈請通令各縣民團嚴加訓練備國家調遣三，電粵方停止侵湘一致對外四，分電各地請一致奮起嚴厲對日各在案呈請上級並分電外特電請一致奮起同胞乎死生二途已橫目前救國自救不容稍遲多難興邦危急生勇我四萬萬偉大之民族到今日竟聽彼六千萬倭奴之任意宰割臨頭大難危急萬分尙希速起共赴國難臨電不勝悲憤迫切之至中國國民黨汝南縣黨務整理委員會叩有

西華縣黨務整理委員會奮袂討日電

南京中央黨部國民政府鈞鑒暨各省市黨部各省政府各縣市政府各縣市政府各縣市民衆團體各館報均鑒頃讀報載日帝國主義軍隊於巧日晨六時忽起野蠻暴行炮擊北大營火焚兵工廠拘我軍政長官殺死軍民無數旋佔據瀋陽猶以爲未足復佔我長春營口溝幫子遼陽山海關等地東三省已全爲日軍所佔有等語噩耗傳來悲憤何極查日本倭奴素抱野心大陸政策早已定爲國事對我東北垂涎已非一日溯自甲兵戰爭以來日奴幾無日不思蠶食我國民四之廿一

條約民十七之濟南慘案以及最近萬寶山之大屠殺層恥疊辱積猶未雪今竟乘我大軍勦赤天災正烈全國人民謀生救死之不暇乃日帝國主義甘犯天下之大不韙突出此最兇殘之暴行推其用心直欲吞滅我國而後快其藐視國際公法輕蔑我國主權莫此爲甚此而可忍孰不可忍此而不爭國何以國嗚呼外侮日亟何以生爲毀家紓難古有明言鯨食鯨吞已見效於接踵種滅國亡實堪慮於目前當此千鈞一髮生死關頭若不一致奮起與彼倭奴戰則我四萬萬炎黃子孫將牛馬奴隸之不若矣用是氣憤風雲力圖挽救同仇敵愾誓死抵抗甯爲玉碎不爲瓦全所望海內外愛國同胞奮袂而起翦彼倭奴保我國土黨國存亡實式憑之臨電憤慨不知所云中國國民黨西華縣黨務整理委員會養叩

濰陽縣黨務整理委員會反日救國電

（銜略）頃閱急報所載日本帝國主義者乘我內亂方興突出重兵佔我瀋陽長春等地焚殺擄掠爲所欲爲奪我主權辱我國體噩耗傳來曷勝悲憤查倭奴素性兇惡狼子野心窺我滿蒙早有蓄志今復殺我同胞毀我城池肆其野蠻煽熾淫威剖腹之痛刻不聊生是而可忍孰不可忍

條約民十七之濟南慘案以及最近萬寶山之大屠殺層恥疊辱積猶未雪今竟乘我大軍勦赤天
災正烈全國人民謀生救死之不暇乃日帝國主義甘犯天下之大不韙突出此最兇殘之暴行推
其用心直欲吞滅我國而後快其藐視國際公法輕蔑我國主權莫此爲甚此而可忍孰不可忍此
而不爭國何以國嗚呼外侮日亟何以生爲毀家紓難古有明言鯨食鯨吞已見效於接踵種滅國
亡實堪慮於目前當此千鈞一髮生死關頭若不一致奮起與彼倭奴戰則我四萬萬炎黃子孫將
牛馬奴隸之不若矣用是氣憤風雲力圖挽救同仇敵愾誓死抵抗甯爲玉碎不爲瓦全所望海內
外愛國同胞奮袂而起翦彼倭奴保我國土黨國存亡實式憑之臨電憤慨不知所云中國國民黨
西華縣黨務整理委員會養叩

濰陽縣黨務整理委員會反日救國電

（銜略）頃閱急報所載日本帝國主義者乘我內亂方興突出重兵佔我瀋陽長春等地焚
殺擄掠爲所欲爲奪我主權辱我國體噩耗傳來曷勝悲憤查倭奴素性兇惡狼子野心窺我滿蒙
早有蓄志今復殺我同胞毀我城池肆其野蠻煽熾淫威剖腹之痛刻不聊生是而可忍孰不可忍

尙望全國軍事領袖武裝同志勿啓意氣之爭勿操同室之戈一致憤起同赴國難驚風駭浪當思同舟之誼煮豆燃箕切戒同根之殘皮之不存毛將安附兔死狐悲所宜深憤方今大禍當前國亡無日願我同胞誓與倭奴不共戴天以必死之決心作最後之奮鬥全國民衆一致興起秣馬厲兵準備殺敵本會謹率淮陽三十萬同胞誓爲武力後盾不達目的不止臨電痛哭憤恨難遏謹佈區區諸乞明察中國國民黨淮陽縣黨務整理委員會叩感

尉氏縣黨務整理委員會共禦外侮電

萬急各級黨部各級政府各軍事長官各學校各人民團體各報館轉全國同胞鈞鑒：查東方矮奴久懷野心陰險毒辣甚於虎狼以中國爲肥嚮窺視之而垂涎恨不得一口吞食以逞其淫慾試觀過去之種種暴行卽其鐵證近閱報載日本無故侵佔我瀋陽殘殺我同胞違背國際公法破壞世界和平得寸進尺大肆猖獗我同胞慘死於矮奴白刃下者不知凡幾聞哭聲之悽悽見白骨之墨墨死者已矣生者何堪亡國滅種迫於目前凡我同胞無不憤慨本會誓率全縣三十萬民衆爲外交後盾準備對日宣戰甯爲鎗下鬼不爲亡國奴渴飲日兵血飢餐矮奴肉堅持到底此滅

朝食尙望全國上下一致奮起共赴國難扶將傾之大廈挽既倒之狂瀾收我疆土復我主權中華前途實利賴焉臨電涕泣諸希亮察中國國民黨河南尉氏縣黨務整理委員會叩宥

博愛縣黨務整理委員會奮起禦侮電

（銜略）鈞鑒頃據報載日本無故稱兵竟於效日佔我瀋陽長春營口等地炮火連天廬舍爲墟奸淫擄掠死亡枕藉我當局爲維持和平計抱不抵抗主義以促彼方之覺悟不意蕞爾倭寇慾壑難填猶連日陷我吉林撫順佔我秦皇島烟台復遣炮艦向我滬上示威無處不表現帝國主義者之狠毒而倭寇到達各地又迫令民衆懸掛日本國旗窮凶極惡無法無天其蔑視我國體卑薄我國民無所不用其極邀聽之下不勝髮指查日本帝國主義近數十年來無時不積極向我侵略勾結我國軍閥助長我國內亂而乘機竊取我之利權朝野宣言以關東爲其屬地乘我內亂弗弭赤匪未靖洪水爲災國運千鈞一髮之際其猙獰之面目悍然畢露實現其滿蒙政策若不有以對付則種滅之禍迫在眉睫本會除組織抗日救國隊擴大宣傳外誓率全縣民衆全黨同志爲政府前驅尙望全國同胞一致奮起共禦外侮披髮撻冠共赴國難臨電憤慨無任盼禱中國國民黨

博愛縣黨務整理委員會印

許昌縣執行委員會對日經濟絕交電

(銜略) 鈞鑒嗚呼日本帝國主義者挾其兇橫殘忍之武力久具滅亡我國之野心侵我主權奪土地侮我政府欺我人民挑誘我內戰破壞我外交無一不用其毒辣策略五三血跡未寒而萬鮮慘禍繼起今竟變本加厲愈演愈緊謬以我軍擾亂南滿鐵路秩序及中村案件爲借口大舉進兵佔領我瀋長圍繳我軍械扣留我官吏殘殺我人民又復進兵平青等處殊存有侵吞我內地之舉將見神州大陸盡被其宰割黃帝遺胄悉爲其奴隸其對我之嚴重遠過于濟魯兩案不僅違背國際公法抑且破壞東亞和平是而能爲孰不能爲是而可忍孰不可忍凡我中華男兒誰非國民誰無身家豈忍坐視國破家亡一任彼日本帝國主義者之蹂躪摧殘乎惟望全國上下當此國家一髮千鈞之際民族安危存亡之秋急應一心一德息同根之煎共禦外侮羣起奮鬥雪我國恥一面喚起全國民衆作武力之準備一面澈底實行與日經濟絕交抱有日無我有我無日之決心不達圓滿收回所有已失主權之目的誓不終止願我四萬萬同胞急起圖之臨電不勝憤慨之至

中國國民黨河南省許昌縣執行委員會叩感

南陽縣黨務指導委員會反日救國電

全國同胞均鑒日本此次無理出兵佔領我東省慘殺我同胞不念同種之義破壞萬國公法實行貫徹其大陸政策直欲使我國爲朝鮮之續凡有血氣無不憤慨以堂堂華胄受辱於蕞爾倭奴實爲吾民族之恥敝會特約南陽全體同志組織敢死隊以與倭奴周旋誓死救國義無返顧以作政府後盾尤望各地同胞一致奮起非達到滅此朝食之目的不止臨電迫切無任翹企之至南陽縣黨務指導委員會叩

長葛縣黨務整理委員會對日宣戰電

(銜略)鈞鑒日本倭奴野心暴發突於本月十九日強佔我瀋陽長春營口各地噩耗轉來莫不憤激日本狼毒居心以欺同種奸險卑鄙不顧公理朝鮮既被亡去又復進佔滿蒙對於滿洲權利詐說鼠竊日有侵蝕今乘我剿赤救災之際竟下投井之石悍然出兵奪我東省毀我府庫殺我人民此仇此恨聞者髮指言者痛心若不誓與周旋則我四千年文明之祖邦將此滅亡熙熙攘

攘之同胞爲人奴隸深痛萬鮮慘案之血跡未乾而此次之交涉又起國勢阡危民命何堪與其被逼而亡不如奮鬥而死望我同胞急速猛醒矢誠矢勇團結一致集中實力準備對日宣戰以挫其氣尙望各界同胞協力同心一致主張臨電憤慨不盡欲言中國國民黨河南長葛縣黨務整理委員會叩宥

光山縣黨務整理委員會誓死對日經濟絕交電

（銜略）均鑒本月沁日接奉河南省黨部鄂電略開日本軍隊於十九日以暴力佔領我瀋陽營口長春遼陽及各衙署各通信機關瀋陽兵工廠飛機廠均被炸毀軍警已被繳械軍政長官多被扣留各處已改懸日本旗天津朝鮮旅順鐵嶺海城之日軍已開始動員等因披誦之餘曷髮指查日本帝國主義豺狼成性鬼蜮爲心自採行滿蒙政策以來封豕長蛇蠶食不已二十一條件提出於前濟案續演於後萬寶山之血跡未乾鮮僑胞之哀聲猶在今又乘我邦洪水氾濫赤匪梟張之際竟悍然出兵甘冒不韙最爾島國竟不惜破壞東亞和平一逞再逞迭次欺凌窺其目的非僅侵略東省實有鯨吞中國之野心丁此內憂外患千鈞一髮之秋凡我全國同胞宜速猛醒捐除

私忿同心協力以禦外侮否則蕭牆之戰未終亡國之禍立見本會即日宣佈誓死對日經濟絕交並率全縣三十萬民衆作革命外交後盾尙望各方一致奮起共同援助以抒國難臨甯憤慨不勝盼禱之至

中國國民黨河南光山縣黨務整理委員會叩誌

沈邱縣黨務宣傳員辦事處反日救國電

中央黨部國民政府各部院各省黨部各省政府鈞鑒各特別黨部各縣市黨部各縣市政府各法團各民衆團體各級學校各報館暨全國同胞均鑒日本強佔滿洲噩耗傳來不覺瞋目裂眦怒髮冲冠查日本帝國主義者覬覦我東三省已久封豕長蛇無機鯨吞今乘我國洪水爲災匪氛未清之際則曠使韓人挑釁復捏中村事件之詞藐視國際非戰公約悍然出兵強佔滿洲「五三」血跡未乾滿韓慘劇重演是可忍孰不可忍願諸同志化除意見勿再同室操戈豆箕相煎以羣策羣力而與日帝國主義不共戴天望我同胞切實團結誓雪奇恥本宣傳員率沈邱縣三十萬民衆一致抗日不達罷兵賠償目的甯玉碎而死不瓦全而生臨電憤慨之至中國國民黨河南省沈邱縣黨務宣傳員辦事處叩卅

項城縣黨務宣傳員辦事處誓死抗日電

南京中央黨部國民政府各級黨部各級政府各法團各報館各人民團體鈞鑒此次日本無端稱兵突然入寇竟於九月十八日佔據我遼瀋奪取我要地陷我名城沿海告警囚辱守土官吏屠殺無辜軍民乘我災殍之際縱其狼貪獸爲欲行其吞併滿蒙之陰謀實現其大陸之政策竟逞違背國際公法破壞東亞和平露其猙獰之面目肆其帝國主義之欺凌日兵所到劫掠一空炮火所及同胞殞命明目張胆恣意蹂躪噩耗頻傳舉國同憤稍有血性者孰不痛心是而可忍國將不國奇恥大辱羞與並立國家興亡匹夫有責執戈禦侮古有明訓軍人責在枕戈待命吾輩更當聞鷄起舞斷頭決腸在所不惜甯爲靖國神不做怕死鬼肝腦可以塗地民族不可淪胥甯作玉碎莫爲瓦全凡屬國民應本匹夫有責之義立下決心整我武備秣馬勵兵反日救國督促我政府積極備戰組織全國義勇軍訓明救國大義須知倭寇佔據遼瀋已蹂破中國藩籬山海關係我國防門戶寇狼日寇已深抵門限轉瞬間即可入據堂肆欲鯨吞矣時日曷喪願欲偕亡際此千鈞一髮實爲國家生死存亡之關頭狂瀾將倒壯者須當自挽大廈欲傾智者遠須自扶今爲何時正是國

人拚命捐軀之日嗚呼痛矣祖國淪亡身家何有覆巢之下焉有完卵愛國之士應當速起同心協力誓滅此獍曹沫一劍登壇盡返昏地楚雖三戶尤起亡秦捐健兒之俠骨填平東海揮壯士之血戈踏碎三島縱使橫屍疆場終不屈伏暴威脅迫之下戰者爲國而死以當留正氣於天地敵愾同仇効命于疆場願我國同胞協力奮鬥共救危亡不達雪恥目的誓不休止揮淚陳詞臨電不勝悲憤希維鑒察河南省項城縣黨務宣傳員辦事處叩

開封縣執行委員會反日救國電

南京中央黨部國民政府各院部陸海空軍總司令部各省市縣黨部各省市縣政府各軍事長官各人民團體各機關各法團各學校各報館暨全國同胞公鑒：日本帝國主義者襲其對華侵略之野心，數十年來無不露其彼爲刀俎我爲魚肉之企圖，中日間外交歷史，直一屈辱降服者，與強橫蹂躪者之記載耳。回憶國恥歷歷在目，誰不深銘骨髓？年來同胞鮮血滴瀝，醜滿倭奴之手，一恥未除，重恥繼來，一案未了，繼案又起，重重疊疊，無時或已，彼褊狹狠毒之日人，直視我如奴僕之可凌辱也，而日肆其殘酷蠻橫之手段矣。自本年

萬鮮慘案發生以來，日人已暴露其侵佔我領土之野心與消滅我民族之陰謀，適所謂中村事件發生，遂藉口張呈，大唱其出兵關東武力保護既得利益之謬論，而日本野心軍閥復推波助瀾，蠻橫行動，不顧國際公法，藐視人類正義，悍然出兵強佔我東省領土，於十八日進據瀋陽，復於十九廿日佔領青島，煙台等地，儼然以主權者自居，對我無辜同胞，橫加殺戮，嗚呼，我領土已失，我同胞死於日人砲火之下者，不知凡幾，此而可忍，孰不可忍，凡我中華男兒，尙能漠視無睹一任其蹂躪摧殘乎？爲今之計，惟我全國同胞，一致奮起，共赴國難，急謀自衛，勿以東省雖失，而內地尙可無恙，須知門戶已破，堂輿絕難安居！行見倭奴之堅甲利兵直臨吾之室橫加吾之頸矣！同胞同胞，大難已至，勢勝燃眉，其速起一方喚醒全國人民作武力之準備，一方澈底實行經濟絕交，扼日人仰給我國物質上之來源，不達完全收回我領地及已失權利之目的，誓不罷休，寧爲戰死之鬼，不作亡國之奴，凡我同胞須具此最後決心，不然，吾輩將死無葬身之地，本會於驚憤欲絕之中，謹率全縣同志竭力作執戈之備，務望全國同胞一致興起，急謀禦侮，禍臨

臍腹，流血成仁，此其時矣！我親愛之同胞乎，不容再緩矣！臨電無任憤慨企盼之至。
中國國民黨開封縣執行委員會叩馬印

安陽縣黨務整理委員會一致對日電

（銜略）鈞鑒，頃奉陸海空軍副司令張皓電內開銜略，頃接瀋陽臧主席榮參謀長皓卯電稱鈞鑒，祥密日兵自昨晚十時開始向北大營駐軍施行攻擊我軍抱不抵抗主義毫無反響日兵竟自侵入營房舉火焚燒並將我軍驅逐出營同時用野砲轟擊北大營及兵工廠該廠至視時止尙無損失北大營迫擊砲庫被炸迫擊砲廠亦被佔領死傷官兵待查境內外警察各分所均被日兵射擊警士被驅退無綫電發報台亦被侵入向日領迭次交涉乃以軍隊之行動外交官不能直接制止等語相告顯係支吾並云由我軍破壞南滿路之橋樑而起實屬捏詞截至本日午前五時尙未停止槍砲以上等情均經通知各國領事伊等尙無表示職等現均主張堅持不與抵抗以免地方糜爛餘容續電并已轉電南京政府謹陳臧式毅榮參謀長卯印等情最後復得瀋電台報告日軍已於今晨六時三十分入省城各領各衙署各通訊機關驅逐我警察遂斷我北甯路

車站往北消息完全阻斷情況不明日方宣傳因我軍襲擊南路故日軍實行追擊但事實上我方絕無此事即日軍和我北大營時亦毫無與之抵抗除電呈國民政府外致電奉聞張學良叩皓（十九日）等因奉此查日本帝國主義者，侵略我國，早具決心，此次復敢公然派遣獸兵，向我進攻，佔踞瀋陽，轟炸砲廠，消息傳來，曷勝髮指，本會除率全縣黨員，準備武裝，聽命赴義外，謹此電請各方，一致主張，曉 以大義，臨 勒馬早息內戰共禦外侮并從速準備武裝開往前方滅此朝食黨國幸甚民衆幸甚臨電憤慨諸希垂察中國國民黨安陽縣黨務整理委員會叩

直隸周口區黨務整理委員會反日救國電

（銜略）鈞鑒頃閱報載日帝國主義實行其大陸政策違犯凱洛格非戰公約無端出兵侵略我領土強佔我瀋陽捕囚我東北邊防軍政長官炮轟射擊屠殺我民衆到處焚掠蠻橫無極更進佔山海關逼近唐沽口企圖內犯亡我中華情勢嚴重岌岌迫危禍迫眉睫國難臨頭沉淪待挽所望本黨同志海內賢豪愛國愛黨捐除意見立息內爭化干戈爲玉帛共禦外侮作破釜之沉舟

集中全國武力一致對日敵會謹率全市黨員和民衆精誠團結擁護中央願作前驅剷除倭奴洗淨腥膻還我山河保我主權際此危急之秋勿作睡獅之夢請一致電請中央嚴重對日交涉臨電泣涕不勝迫切憤慨待命之至中國國民黨河南省直屬周口區黨務整理委員會叩寢

直屬濰縣區分部誓死抗日電

河南省黨部鈞鑒日本帝國主義者豺狼成性蛇蠍爲懷暴戾恣睢窮凶極惡以我同胞爲俎上肉視我國家如殖民地蠶食鯨吞野心日亟近據報載我瀋陽撫順長春等處均被日軍佔據屠殺我同胞無算並向我內地挺進亡國慘禍即將實現凡含生負氣之倫莫不心肝俱碎義憤填胸查此次日本出兵恐其無所藉口致違國際公法隨逞其狡滑手段預將南滿鐵路炸毀數段捏稱該路係我軍破壞顛倒事實以爲可以混亂聽聞殊不知正所謂掩耳盜鈴也惟據重大事件之推度其構兵之因殆基於中村事件而實行其武力佔據滿蒙擊破東北政權之陰謀夫中村事件實日方憑空虛構強以誣我今姑極退步言之中村縱有其人而縱確被我軍所害究被害者僅一人耳試與萬鮮兩慘案之屠殺人數財產損失相較論之孰重孰輕矧當眞象未明之際乘我國多難

之秋而竟明日張胆犯我疆土殺我國民猶狎面目完全暴露則國際公法何在人道公理何存回念二十一條之舊恥未雪濟萬慘案之血跡猶殷而倭奴長惡不悛爲實現其積極侵略計復調遣軍隊大舉進犯長驅直入逕欲竊取平津吞併我國土殲滅我種族斯可忍孰不可忍爲此呈請鈞會鑒核轉呈中央黨部迅咨國民政府嚴重抗議以維國權本會同志願率溫縣二十萬民衆充敢死前鋒執戈待命誓與倭奴作殊死周旋臨電迫切不勝待命之至中國國民黨河南省直屬溫縣區分部叩宥

直屬寶豐區分部反日救國電

南京中央黨部國民政府各省市黨部各級政府各法團各報館各人民團體均鑒我國不幸禍亂相循赤匪之兇焰未息天降下之鉅災又來荏符遍野內訌疊起瘡痍滿目國勢阡危凡屬人類咸洒同情之淚而日本帝國主義者今竟乘我洪水浩劫之際突以軍事行動無端強佔我瀋陽及吉遼各地解除我國軍警武裝蠻橫奇突實爲國際上之創聞噩耗傳來髮指皆裂查倭奴素具野心大陸政策久已定爲國是對我滿蒙早已視爲己物甲午以還侵略日亟歷數我國痛史率由

日人造成五三之血跡猶新遼瀋之邊隅復失覆亡之禍殆在目睫刀俎魚肉甯有噍類願我國人一致團結共赴國難萬家齊心反抗暴日國亡與亡甘願白刃頸血殊死一戰以決最後之勝負臨電陳詞不勝迫切悲憤之至中國國民黨河南省直屬寶豐縣區分部執行委員會叩東印

自由縣黨務宣傳員辦事處反日救國電

銜略均鑿竊查日帝國主義者蛇蝎成性素無人道早垂涎吾中華五金之富一再侵凌節節進逼試看吾國之國恥無一不爲日帝國主義者所造成近更借萬案中村事件突佔關東搶掠劫殺慘無天日凡我同胞孰不痛心髮指猶復近窺京滬日事挑釁想佔領我全國滅絕我民族我國若不早爲準備亡國滅種之禍計日可待願我全國上下精誠團結共禦外侮與倭奴勢不兩立決一死戰以與我國家雪恥辱爲民族爭生存不達目的誓不止臨電不勝迫切待命之至中國國民黨自由縣黨務宣傳員辦事處叩刪

十一，各縣反日救國團體對瀋案之文電

上蔡縣民衆反日救國會電

銜略均鑒：哀我中華天災人禍，紛至沓來，日本倭奴小醜獍狓存心，豺狼成性，竟乘我國危亡之際，突出重兵，佔領我瀋陽，轟擊我同胞，又分兵四出席捲我東三省，使我錦綉山河，變爲破爛不堪之屠場，莽莽神州，竟淪於萬劫不復之境地，舉國人士，無不義奮填胸，同仇敵愾，曩者割我台灣，吞我琉球，滅我朝鮮，今者悍然出兵佔我土地，殺我官民欲實現大陸政策之迷夢，不顧國際公法，滅絕人類正義，凡有血氣者，當臥薪嘗胆準備實力，以赴國難本會誓率全縣民衆與倭寇決以死戰，有仇無我，有我無仇，頭可斷而志不屈，身可喪，而心不死，存者與我國共存亡者與國共亡，甯爲愛國死，不作亡國奴，國家存亡在此一舉，尙望一致努力共除當前大敵，臨電涕泣，不勝悲憤，上蔡縣民衆反日救國會叩儉

民權縣民衆反日救國會電

(銜略) 鈞鑒嗚呼五三之白骨猶存萬鮮之血跡未乾懸案纍纍皆未了休近又漫無忌憚侵我東省一波未平一波又起得寸進尺咄咄逼人台灣高麗既已成爲囊中物滿州蒙古亦將變爲扶桑塵狼子野心的日本伸張着凶猛爪牙披露着猙獰面孔不顧宇宙公理不講世界和平拋棄人道滅盡天良而一味挾其殘忍毒辣的手段逞兵自雄恣意侵略目無國際公法甘冒天下之大不韙蔑視政府糜爛我同胞剝奪我主權佔據我疆領不世之仇實共戴天驚心動魄痛不能忍處今日生死存亡之秋若不當頭一棒使他觸目驚心前途何堪設想望全國民衆一致團結驅逐倭奴直搗瀛濱擊破他封豕長蛇之迷夢打毀他虎視鷹瞬之雄心則梟獍狼毒的日本侵略我國之凶箠要日甚而中華民族受壓迫亦要日深莽莽神州行見陸沈與安南波瀾將要同出一轍矣親愛的同胞們國家危了形勢急了大難已經臨頭了我們能不合力團結竭力掙扎則人爲刀俎我爲魚肉噬臍就已莫及了同胞們國若不保家何以存覆巢之下焉有完卵希望不要有觀望的態度趕緊立定決心在消極方面斷絕經濟來往誓不買日本的貨物不賣給東西於日本日本所

需要者我們不供給我們所使用者不取之於日本堅持到底始終不渝不要只有五分鐘的熱度旋起旋滅在積極方面辦理保安隊組織義勇軍造槍購械秣馬厲兵加緊軍事訓練振刷尙武精神團結一致衆志成城大家武裝起來以與萬惡日本決一雌雄抱定有日無我有我無日國亡與亡國存與存甯爲救國難而死不爲亡國奴而生的決心以爲戰爭之後盾「物極則反」「亂極思治」「多難正所以興國」庶乎可以挽既倒之狂瀾扶大廈之將傾從此將中國搬到富強隆盛的地位躋之在金湯鞏固之境中使穩之如磐石「堅之若苞桑與其歐美列強並駕齊驅亦不可知要之「國家存亡匹夫有責」救國大德其容稍緩虎迫於後懦夫猶能躍五尺之澗大燎於隣弱女亦能運百鈞之筈如我四萬萬之民族一心一德同舟共濟羣策羣力同仇敵愾拿「破釜沈舟」之決願抱「臥薪嘗胆」之苦心「鳴鷄起舞」「枕戈待旦」「革命元老能兵息爭草澤英雄立功瀆罪壯丁顯身手於沙場老弱供耕作於田園婦女作看護隊「箠食壺漿」以餉師旅士子作宣傳家「堵口噤音」以醒民衆大家抱着一條目標向東京進攻前仆後繼勇往邁進「甯爲玉碎不爲瓦全」教血染日本的四島肉擊東瀛的山河肝腦塗地再所不辭始終如一的去與六千萬日奴奮鬥

爲民族爭生存爲國家救危亡必然可以達到目的尙望全國同胞齊心努力共赴國難無任盼禱
民權縣反日救國會叩宥

確山縣民衆反日救國會電

南京中央黨部國民政府各院部全省市黨部各省市市政府各縣市黨部各縣市政府各救國會各
人民團體各報館均鑒暴日入寇佔據東省慘殺我同胞擄掠我財產噩耗傳來髮指目裂查日本
帝國主義者久有吞併我滿蒙野心施行其傳統大陸計劃此次明目張胆不惜破懷國際公法出
兵瀋陽強佔遼吉希圖滅亡我國家危害我民族凡有血氣莫不義憤填膺與彼願決死戰敵會急
起救亡不敢後入除迅速組織全縣義勇軍嚴加訓練預作中央後盾與賊拚命外特電請中央當
機立斷精誠團結與日宣戰并請各地一致奮起共救祖國殲滅矮奴不達目的不止臨電不勝迫
切憤慨之至河南確山縣民衆反日救國會叩陷印

汜水縣民衆反日救國會電

南京中央黨部國民政府各級黨部各省縣政府各機關各團體各學校各報館各界同胞均

嗟日本倭奴橫暴極惡不顧國際公法破壞東亞和平竟乘我內憂未艾天災方殷之際施其數十年侵略滿蒙一傳統政策於九月十八日突然出兵侵我東省殺我同胞焚我房屋掠我財貨并遊戈江海海岸鳴槍示威大有席捲中國之勢驚耗傳來舉國共憤國聯雖已嚴重警告而日奴均置公理於不顧惟有強權那有公理一味求人何若求己國家將亡種族將滅凡我同胞其速思之生死存亡在此一舉切望各方領袖棄嫌團結共禦外侮各界同胞一致奮起抱馬革裹尸之志作枕戈待旦之備俟我中央宣戰令下全國同胞負弩前進直搗扶桑殺盡倭奴復我疆土雪我國恥揚我國威光我民族臨電憤慨幸祈垂察沁水縣民衆反日救國會叩徑

泌陽縣民衆反日救國會電

(銜略) 鈞鑒倭奴日本伺我國內亂未已災禍方殷之際竟冒世界之大不韙藉口莫須有之中村事件晝夜出兵佔我關東毀我鐵路鎖我海口奪取我利權槍殺我同胞肆行無忌置國際公法於不顧大放天胆視國聯會議如弁髦然此猶不足以滿其獸慾近復增兵西犯大有席捲全華之勢由此觀之是日本倭奴非將我民族全然滅亡不止也非將我國家全然吞併不止也戮亦

亡不戰亦亡與其亡國奴而生不如赴敵殺賊而死值此千鈞一髮之際危急存亡之秋凡我同胞孰不宜臥薪嘗胆枕戈待旦厲兵秣馬共杼國難哉本會率吾泌三十萬未死難民誓與倭奴日本作殊死之戰並抱定有日無我有我無日之決心敬請全國同胞一致奮起共赴國難並希各方猛然憬悟速息閭牆之爭共禦外來之侮否則皮之不存毛將焉附將見葬身無所禍迫眉睫矣臨電涕泣不勝悲憤之至泌陽縣民衆反日救國會叩

鄭縣商界反日救國會電

上海南京天津北平漢口開封各報館暨各團體公鑒頃致在滬代表快郵代電云竊自民國肇造以黨爲綱我國民依托於黨綱之下深盼黨之實行俾獲昭蘇而慰喁望當改革之際素絲待理諸公謀國苦心國民無不相諒乃數年以來黨政之爭風起雲湧致使先總理數十年艱難締造諸先烈數百萬熱血頭顱換來之民國紛爭靡已民不聊生今茲內憂未已外侮逼臨我國民猶冀黨國碩彥總理信徒領導國人共赴國難以救危亡不意諸公竟置危亡於不顧今日一會議明日一條件蹉蹉於對人問題不忘不昔齟齬持已往成見兼旬以來未見妥協是使我國民失所依

據失所領導今而後將何以使我國民信任黨治信任諸公耶夫國既亡矣黨於何有諸公身受總理付托之重其何以慰總理在天之靈卽幸而不至國亡家破然辱國喪地之恥誰負其責諸公雖清議在所不顧問心亦豈能無疚乎古人云兄弟鬩於牆外禦其侮今茲何時諸公有何世仇不共戴天有何宿嫌不能捐棄不圖解圍牆之爭禦外來之侮耶暴日侵略日有進展衰衰諸公日事爭執嗟我國民淪胥無日敵習悚惕危亡急盼諸公掃除成見以國家爲重捐棄私嫌以民意爲歸尅日入京精誠團結一致對外共救危亡庶可增加國民之信仰挽回危亡之慘禍臨電不勝迫切之至鄭州商界反日救國會虞叩等語尙希一致主張發電敦促爲荷鄭州商界反日救國會印

伊陽縣各界反日救國會電

各級黨部各級政府各報館各法團暨全國同胞均鑒最近四十年來日本帝國主義者挾其大陸政策實施其武力侵略主義割我台灣陷我琉球併我朝鮮強租我旅大在東北擡得特殊權利復無理提出二十一條五三碧血未乾萬鮮屠案又起近更借題發揮變本加厲乘我天災人禍巨烈之際突然出兵滿洲據我要地繳我軍械幽禁我重要官吏掃射我徒手民衆強築吉會鐵路

煽惑滿蒙獨立封鎖渤海進窺平津其性質之嚴重實爲空前所未有嗚呼國勢阽危千鈞一髮凡屬華民豈容酣睡本會誓率全伊十萬民衆作政府強有力之外交後盾尙祈一致奮起抖擻精神一面澈底與日本經濟絕交一面預備與倭奴作殊死戰作持久戰頭可斷而身可碎不達到驅逐日軍出境目的誓不終止臨電憤激不勝迫切待命之至伊陽縣各界反日救國會叩儉

內鄉各界民衆反日救國會電

中央黨部國民政府各院部各司令各總指揮各軍師旅團各級黨部各級政府各機關各報館各學校各民衆團體鈞鑒近數年來國運乘舛災亂頻仍內憂外患相乘靡已傷心曷極今不幸噩耗又自東北傳來殘忍兇暴之日本竟以我災亂逞其併吞滿蒙之陰謀不遵國際非戰條約無故進兵犯我疆域佔我藩吉殘殺我同胞焚掠我財貨拘留我官吏毀壞我公署明目張膽恣意挑釁似此奇辱凡屬國人莫不悲憤填膺夫以我五千年文明之國家四百兆黃裔之種族豈忍甘受倭奴之蹂躪而喪我祖若宗締造之山河當此千鈞一髮生死關頭國家之安危種族之存亡迫於眉睫若不急起猛醒一轉瞬間倭奴卽可以升堂入室使中華變爲琉球朝鮮的第二言念及此曷

勝悚懼處茲危卵覆巢之秋吾民族應卽一致團結力量以保持我國最後之壁壘效勾踐之臥薪嘗膽項羽之破釜沉舟背城一戰而復我原有之領土已喪之疆域內鄉四十萬民衆雖無卓識尙知此仇不共戴天誓爲前驅共赴國難甯以熱血湔殺倭胡不忍貪生而爲亡奴肝膽可以塗地種族不可淪亡誓抗倭奴酬類還我大好山河臨電涕泣不勝憂憤望我全國胞族戮力同心共救危亡是所盼禱河南省內鄉縣民衆抗日救國分會叩有印

葉縣反日救國會電

銜略鈞鑒矮奴不念同種之誼蔑視國際公法破壞東亞和平以迅雷不及掩耳之手段數日之間竟佔領我東北之大半且形勢岌岌沿海告驚長江敵艦密佈席捲我國之局已成驚耗傳來稍有血性者誰不髮指趾裂肝腸寸斷嗚呼三戶尙可亡秦以我中華土地之大人口之多尙能及時團結同赴國難以窮兇極惡之扶桑三島掃穴犂庭誰謂不能惟以頻年天災人禍交相煎逼我政府及人民雖力謀和平統一共圖建設奈連年以來內戰未息故一切治國之策未能次第實施而倭寇乘我國家多故奇災臨頭之際悍然出兵殺我無辜炮擊我營房解除我武裝軍警囚禁我

官吏侮辱我民衆慘哉日本野心勃勃欲併我國土滅我種族噫嘻痛哉哀莫大於心死痛莫過於國亡同胞乎其速思之其速圖之本會業於十月二號招集葉地黨政各機關團體民衆正式組織成立反日救國會到場民衆萬餘人痛哭聲怒恨聲叫罵聲抹掌擦拳聲草木變色日月無光人人誓願以頸濺血與頭顱作國家之干城復以十二萬分之決心願作政府之後盾當場一致表決（1）願全國當局泯除意見精誠團結一致對外（2）要黨政軍親愛結合各就所長各貢所能集中全國人材共禦外侮（3）令駐日本國使即日下旗歸國（4）全國一致與日宣戰（5）全國公務人員薪額除能維持生活外悉數捐助戰費（6）東北溺斃軍人嚴令其代罪之功（7）嚴懲辱國喪權之外交官（8）誓死對日經濟絕交以上八條雖有不盡不詳之處蓋實不如此不足以救國難不如此不足以奮敵氣不如此更不足以振士氣平民憤而驚庸頑國事急矣深望全國一致主持嚴勵監督政府努力執行全國幸甚民族幸甚臨電哀泣幸祈垂鑒葉縣反

日救國會叩江

滎陽縣反日救國會電

抗日救國文電第一集

南京中央黨部國民政府各院部陸海空軍總司令部各省市縣黨部各省市縣政府各軍事長官各法團各機關各學校各報館各人民團體暨全國同胞公鑒我國當天災流行匪氛未戢中日壤地相接誼同唇齒理應救災卹鄰鞏固邦交乃蕞爾日本違反非戰公約破壞東亞和平乘機暴動進佔遼吉拘逐我國吏搶劫我財物奪我軍械殺我同胞綜計損失不可勝數近復勾結失意軍閥欲使遼吉黑熱及內外蒙古脫離我國版圖組織獨立國家以爲攫取之預備真以滅韓故技施諸我遼吉各省居心險惡盡人皆知卽如歐戰方酣忽提二十一條之苛約北伐將成又現濟南五三之慘案赤焰未息復演萬寶山之悲劇乘機挑隙節節進逼倘不急起直追行見錦繡河山淪入異域優秀袍澤編排奴籍是可忍也孰不可忍當此千鈞一髮危若壘卵亟應敵愾同仇一致奮起共挽神州之陸沉勉維國脈於不墜當經舉行反日運動宣佈矮奴強暴情形到會各界民衆無不義憤填膺髮指皆裂男子披堅執銳甘爲前驅婦女擔食壺漿願作後盾誓與倭奴一決雌雄甯爲義烈鬼不作亡國奴勢非踏平三島永不甘休除由本會積極整頓民團並加緊編練義勇軍準備對日宣戰外謹電奉聞并候明教河南滎陽縣反日救國會叩元印

西華縣反日救國會電

南京中央黨部國民政府鈞鑒暨各省市黨部各省市政府各縣市黨部各縣市政府各學校各民衆團體各報館均鑒此次日本帝國主義者乘我國國軍勦赤戡亂天災人禍人民求生不遑之際冒天下之大不韙悍然出兵我東三省羣情憤激一致反對不意彼帝國主義之日本不但不加覺悟撤兵敦和反變本加厲強佔我瀋陽長春營口溝幫子遼陽山海關等地方及焚燒我兵工廠炮擊我北大營拘禁我行政長官殘殺我軍民侵略國權草此爲甚噩耗傳來曷勝悲痛當此存亡危急之秋若不重振國魂一致奮起滅此倭奴之決心雪我國歷年之恥辱亡國之憂迫在眉睫尙希全國同胞羣策羣力一致抗爭實行經濟絕交努力反日宣傳喚起酣睡之民衆準備對日宣戰以保主權而救我中華民族之生存臨楮迫切不勝企盼之至西華縣反日救國會江叩

汝南縣反日救國會電

(銜略)均鑒此次倭奴，乘我災亂，突以重兵，襲佔遼吉，轟炸我城埠，掃射我同胞更復咄咄逼人，西向推進，煽兇餓於幽燕，耀鋒鏑於魯齊，噩耗傳來，儼如催命之符，

舉國慘淡，已加頸上之刃，大難陡臨，末日將至，行看錦繡河山，淪夷異域，優秀袍澤，編排奴籍，凡屬國民，亟應澈透覺悟，羣策羣力，挽神州之陸沉，一心一德，延國脈於一綫，同時軍事領袖，各省當局，更宜痛念時艱，泯除意見，撥巢無完膚，久爲兄弟鬩牆之戒，豆箕轉相煎，同能刀俎之戮，養兵原期衛國，武力本爲救亡，此千鈞一髮，甯忍提戈相向，際茲存亡危急，允宜同仇敵愾，須知三戶已秦，一旅興夏，人心不死，國事可爲，力量因團結而大，惟甯內方可禦外，本會愛國心熱，望和平而眼穿，意決殺敵，賭暴行而髮指，辱不勝辱，忍無可忍，甯作國殤，暴骨疆場之上，不甘瓦全，徒促亡國之魂，誓率汝南同胞，維西健兒，作登高之呼，盡後死之責，環甲俟命，作討倭之前鋒，荷戈待發，效殺敵之先驅，洗甲日本海，抵黃龍而痛飲，踢翻三島嶼，空幕南之王庭，務使失地盡復，兇敵盡退，使木屐兒俛首帖耳，賠償損失，知我民族之不可厚誣，永不敢拔猖於白山黑水間，如此則百年之積憤可平，層疊之慘案始雪矣，痛哭陳詞，伏乞垂鑒，汝南縣反日救國會率七十三萬民衆全叩東

偃師縣反日救國會電

各級黨部各級政府各軍警長官各團體各報館均鑒近閱報載日本乘我國內災患方殷調軍犯華連日在我東北各省攻城掠地殺人放火既封我渤海復圖我魯東而大軍又在繼續調動大有滅我全華之勢查倭寇性情慍橫狡獪向爲我國沿海各地之患明治維新以後彼邦科學進步一日千里人口經濟過剩之結果更形成其侵華之必然性故自甲午以還五九五卅五三各事件接連而生且無一不含侵華作用最近萬鮮二案更將其仇華陰謀暴露無遺然吾華民性素尙和平故過去對日暴行向持容忍態度乃日人貪得無厭竟又有此次事件邇來由彼邦事前宣傳証之其此次犯華實遠超過示威性質而抱有吞併滿蒙席捲中華之決心吾人於此生死存亡之關頭如再持已往態度將無異任虎入門坐以待斃本會憤慨之餘對我國家民族前途殊感憂慮特掬血誠佈達管見萬懇全國一致奮起拚上白骨碧血與倭寇以決雌雄庶可表我民族精神挽救國家危亡禍迫睫眉不勝盼禱河南偃師縣反日救國會叩東

湯陰縣反日救國會電

（衛另）鈞鑒日本帝國主義侵略我土地剝奪我利權已非一日屠殺我同胞摧殘我生靈已非一次言之痛心思之疾首今乃乘我國家災禍頻仍民不聊生之秋哀鴻遍野死亡枕藉舉國上下正值挽死扶傷之不暇而日本帝國主義竟以其狼子野心慘無人道之行爲遂其兇惡殘酷之毒燄出重兵佔據我遼甯以及長春營口并沿海各要塞殘殺我同胞焚燒我房屋炸毀我電台擄取我財物姦淫擄掠暗無天日蔑殺公理視我如牛馬之不若顯係蓄意併吞中國滅我種凡有血氣者聞知莫不潸然淚下怒憤填胸心膽俱碎肝腸寸斷此如可忍孰不可忍吾湯民衆除組織反日救國會三十萬黎庶準備武裝俯首待命作政府之後盾與倭奴決一死戰不達恢復我國權誓不甘休外謹此電懇各方團結一致曉兩廣以大義臨崖勒馬早息鬩牆之爭共禦外侮以挽危機并請迅即轉懇中央調集精銳兵力開赴前方滅此蠶食黨國幸甚民衆幸甚臨電迫切不勝激昂悲憤之至統希垂察河南省湯陰縣反日救國會叩豔

淮陽縣各界反日救國會電

南京總司令蔣北平副司令張各院長各部長各省行營主任各軍事領袖均鑒竊聞禦侮有

常先息內爭同室操戈必來外寇是以八王相殘則五胡亂晉諸將不和而西番擾唐前事既詳乎史乘當今宜奉爲元龜矮奴日本側在東瀛計地則當我一省論人則少我數倍顧乃懷抱野心饕餮無恥歷年以來屢犯我邊境殺戮我人民侵害我主權我國人向持寬大主義視爲鼠盜狗竊不足計較冀其自悔藉敦邦交詎料倭奴蠻性難化加厲變本值我十六省災禳正劇救濟不遑之時不思輸粟恤隣反乘難稱兵憑其暴力初向我東省北大營施行砲擊繼卽佔我瀋陽長春撫順吉林等處更佔我葫蘆島直逼平津華北情形已同累卵就日本此次兇行足以洞其宿志實在滅我國家殲我族類噩耗傳來我淮民衆莫不悲憤填膺涕泣切齒雖三尺之孩咸願執挺向仇諸公佩虎符坐皋比爲國家之干城作民族之保障謨猷籌畫既高出於尋常愛國熱忱亦昭著於羣衆對茲浩劫能不痛心近日諸公彼此間以政治上意見之分歧救國方略之異趨致演爲鬩牆之悲劇誠屬不幸之事然國人咸認爲改革時期必經之階段任何家國所共有觀過知仁固能見諒豈知倭奴之敢於一逞實卽乘我有內亂之故且國家之養兵用以捍衛國家抵禦外侮非所以共內爭也今置外侮於不顧而一意自相殘戮諸公明達必深知其不可况意見分歧所關者小俟諸異日

判決未遲而日寇之剝凌實我國家民族之致命憂輕重緩急豈難辨耶嗚呼勢迫矣情急矣國人固甘願赴難死敵而羣衆率領尙有待於諸公諸公如各能化除意見停止內爭一致對日則倭奴雖強不難驅逐倘猶置若罔聞則是其甘心滅亡而自居國民之公敵亡國之罪首况東省實我國之屏藩猶人身之膚背屏藩不固內自震駭剝既及床去膚何遠諸公誰非革命份子誰非愛國志士誰不愛惜名譽誰甘爲亡國奴當此大禍迫於眉睫之日苟仍不肯釋棄小嫌一齊止戈則五千年文明民族之血胤不卽從茲斬絕望諸公其速醒覺存亡所關未可遲疑謹掬至誠啼泣相告臨電迫切伏乞明教河南濬陽縣各界反日救國運動大會叩艷

靈寶縣各界反日救國運動大會電

中央黨部國民政府各省市黨部各軍事領袖各級政府各團體各報館均鑒日本倭奴突進重兵實行侵略政策佔據東北三省長驅直入視如無人窮兇極惡天人共憤東北半壁山河已淪日人之手中原大好家邦將被倭奴征服嗟乎國運不造災禍並臨洪水未已猛獸突來赤匪內寇暴日外侵五三之血未乾五九之痛猶在萬寶山屠殺於前濬陽城陳屍於後刻復進兵平津窺我

中原利刃加頸退避至於何地亡在眉睫鎮靜適長兒饑處此強權橫暴之世界復何公理正義之可言爲今之計惟有全國團結同心協力背城一戰誓除倭寇深望全國同胞共同主張一電各軍事領袖捐怨棄嫌勒馬回戈事至今日何仇不解何隙不釋覆巢之下安有完卵煮豆燃箕同歸於盡必欲自相殘殺究問何心二請中央調集大軍對日宣戰甯進一寸死不退一尺生圖生終歸於死求死或可得生與其束手不戰爲人奴隸何若戰死疆場猶稱雄鬼况古今來未聞舉有四萬萬人一槍不發一刀不還甘心忍辱者亦未聞有十倍之地十倍之人被敵征服者深望全國同胞一致猛醒對日經濟澈底絕交販賣購買一律嚴懲默察民情激昂義憤難遏本會謹率靈寶二十萬民衆堅固團結武裝待命或爲前驅或爲後盾赴湯蹈火在所不辭瀝血斷頭義無反顧甯以白骨築城不爲島國之奴倘人心之不盡死公理終戰勝強權神州不卽陸沈末劫或可挽回同舟風雨共濟危艱泣血陳詞諸希鑒察臨電不勝迫切之至靈寶各界反日救國運動大會艷叩

尉氏縣反日救國會電

萬急各級黨部各級政府各軍事長官各學校各人民團體各報館轉全國同胞均鑒：此次

暴日乘我國災禍頻殷之際突襲取我東北瀋陽等處並有向關內移動進逼津平佔領全國沿海要地之企圖惡勢兇燄咄咄逼人鑿鼓動地殺聲震天我四億同胞猶如楚囚對泣延頸就戮莫敢抵抗徒乞憐國聯無異訴盜於盜於其訴盜於盜何如格殺其盜若非生就奴骨安能低首下心仙仙俛俛向羣盜哀鳴乎國難當前有死而已甯爲玉碎不爲瓦全要知三戶可以亡秦十年足以興越倘我全國上下澈底覺悟精誠團結人懷必死之心則叢爾日本何難盡平噩耗傳來羣情震怒吾尉三十萬民衆願作前驅不殲倭奴誓不生還除電請中央卽下陸海空軍總動員令驅逐日軍出境恢復失地外特此通電全國一致抗日滅此朝食臨電迫切佇候明教河南尉氏縣反日救國會叩感

南召縣反日運動大會電

(銜略)均鑒，頃讀張廳長馬電，驚悉日人以大軍奪我瀋陽，進佔錦州，乘我災難，逞其兇殘，光天化日之下，竟現魍魎魍魎之形鼠竊狗忽之謀，演爲狼吞虎踞之實，甘冒天下之不韙，破壞世界之和平，公理公法，掃地以盡，獸性侈張，人道滅絕，蛇蝎不足

喻其汨，狗彘不足方其劣，本縣農工商學，聞此警耗，即日組織反日運動大會，擴大宣傳，到者數萬人，無不髮指眦裂，慷慨悲憤，誓與此賊不共戴天，已將全縣劣貨一律焚燬，現並積極作武昕拂日準備，尙望國人一致奮起，同心禦敵，投鞭斷流，人懷必死之心，嘗胆臥薪，終雪會稽之恥，謹佈赤誠，佇候明教，南召縣反日運動大會叩敬

杞縣反日救國會電

（銜略）均鑒頃上中央國府一電文曰中央黨部國民政府鈞鑒東鄰倭寇無故出兵侵我遼吉要地殺我人民擄我官吏劫我軍械據我鐵路掠我財物目無國際公法破壞世界和平近更鼓煽滿蒙獨立以施其亡韓故計復調遣軍艦侵入沿海之營口上海廈門各口岸暨長江一帶南京武漢長沙各要塞威脅挑釁任意橫行橫辱以來國勢岌岌本會救國心切願作藜藿之獻願中央國府將此次日本暴行積極向國際間宣傳使世界各國明瞭真相洞悉其曲在彼以引起世界對我之同情而斷得公理正義的解決並請即行集中全國兵力採取積極自衛方法作最後對日宣戰之準備於沿海口岸要塞等地嚴密防守以備不虞本會誓率全杞四十萬民衆願以死相拚

作政府後盾臨電憤激惟祈垂察等語尙希全國同胞一致主張以期倭奴之奸計不得逞而挽我國家民族於危亡臨電不勝盼禱之至杞縣反日救國會叩元印

新野全縣民衆反日救國會電

（銜略）倭擄謀我。蓄積已久，鷹瞵鷂伺。無時不欲實現其吞併滿蒙之迷夢，以期貫澈其傳統大陸之政策。故自甲午以還。尋釁暴動。慘案迭演。經濟文化侵略之外。往往揭其帝國主義之狎獍面目。以屠戮我同胞。蹂躪我主權。虔劉我邊陲。辣毒狠戾固已早視我國家人民，爲俎上之肉矣。詎年來，怙險鴟張。日益加厲。近且乘我災患方殷之際。擅調海陸戰隊。分頭入寇。佔據瀋陽，吉林，長春，營口各要地。轟炸兵工迫擊等廠。封鎖海口。囚弑疆吏。劫掠所至。如洗如梳。飛機掃射。死傷尤多。逞凶肆虐。繼續弗已。其橫強之行動。直似野蠻獸類。尙復公理人道國際信義之可言。而我猶欲以國聯規約相制裁。庸有濟乎。自求多福。古有明訓。唯有迅息內爭。厚積力量。背城一戰。懲彼凶愆。爰於十月四日。開全縣民衆反日救國大會。羣情激昂。義憤填膺決議通電

全國。一致團結。誓爲政府後盾。并督促毅然對日宣戰。望我同胞。本匹夫有責之義。立下決心。堅定不撓。秣馬厲兵。仗劍禦侮。勿惕其炮火勿懼其淫威。勿以彼有組織有計畫，而稍餒其志氣。昔楚三戶而亡秦。周三千而滅殷。曹沫一身盡反魯地。少康一旅。偉成中興。脫以我四萬萬同胞。戮力同德。與彼六七千萬倭奴抗爭。則最後勝利。屬我無疑。嗚呼，藩籬淪喪。堂奧岌岌。亡國慘禍。迫於眉睫。不戰亡，戰未必亡。與其延頸待死。孰若冒死求生。甯爲玉碎。不爲瓦全。決不怙怙。屈服於脅迫之下。縱失敗屍籍疆場。亦留流正氣於天地。國家民族。生死關鍵。皆繫於吾等之身。敵愾同仇。胥賦無衣，效命救國。願與共勉。枕戈陳詞。維希鑒察。

平等縣反日救國會電

（銜略）鈞鑒日本帝國主義自明治戰勝中俄垂三十年來無日時不耳熱眼紅處心積慮以併吞滿蒙爲唯一冀圖原其步驟第一徵服台灣第二徵服朝鮮第三徵服滿蒙第四徵服我國全部第五徵服世界第一第二步驟均已實現其不惜同種相殘又進一步之所以侵佔滿蒙者實

以藉我北森林鑛產農業之富庶以作併吞我國並以侵略世界之基礎也故其言曰欲徵服世界必先徵服中國欲徵服中國必先徵服滿蒙以無機可乘難於假手所以迭喚軍閥發生內亂屢來挑釁製造各次慘案幸我識破奸計忍以公理抗義交涉致未擴大壓彼獸慾乃近來又復製造萬鮮慘案假捏中村事件遂口張皇大唱其出兵關東武力保護既得利益之謬論而一般野心倭奴推波助瀾蠻橫行動不顧國際公法滅視人類正義竟悍然以兇橫殘辣之蠻兵獸卒於九月十八十九兩日約二十小時之內佔領我瀋陽遼陽營口長春延吉等處焚燬我官署慘殺我同胞繳收我槍炮搶掠我財產佔據我廠局破壞我文化封鎖我海口霸佔我要津舉人世最慘暴最酷厲爲列強所不敢爲不忍爲之獸道而倭奴竟公然行之嗚呼白山蒼芒黑水模糊領土已失大難臨頭勿以東省雖亡內地尙可無恙要知門戶已破堂奧實難安居不見倭奴咄咄逼人得寸進尺近又窺視平津艦臨海州兵迫膠濟乎嗚呼同胞同胞猛醒速起務要一致團結消極的持永不合作主義與倭奴經濟絕交積極的籌款購械以與倭奴宣戰作殊死奮鬥同胞同胞猛醒速起甯爲戰死鬼不作亡國奴慎毋謂倭奴兵精械利所至無前要知衆志可以成城多難足以興邦虎迫於前

跛夫能跳五尺之澗火燎於鄰弱婦能運百鈞之筭我四萬萬偉大之民族終不能被六千萬小倭奴所徵服同胞同胞猛醒速起努力奮進臨電無任憤激之至平等縣反日救國會叩佳

汝甯反日救國會電

（銜略）均鑒吾國不幸暴日迭侵既割朝鮮復奪台灣五卅之奇恥尙存萬寶之碧血未乾奈狼心豺性獸慾無厭竟變本加厲得隴望蜀藉口中村出兵東滿侵佔我土地蹂躪我主權淫殺我人民焚掠我財產視中華如無物等公約於具文勢將逞其蠶食鯨吞之技倆以遂其席捲囊括之野心是其冥頑不靈橫行東亞一日不受懲創卽一日不肯悔禍我四百兆之民衆四千年之古國急應恍然覺悟投袂奮起勿甘亡於區區之島國日本也望我國人精誠團結積極準備共着祖逃之鞭同負注蹄之戈有日無我有我無日甯爲玉碎勿爲瓦全能作戰死之鬼勿作亡國之奴非華人之樂戰實暴日之不德切勿專恃國聯求救他人總之當此亡國滅種千鈞一髮之時如大廈之將傾非一木所能支并望全國當軸名流捐除成見同仇敵愾釋廉藺之怨抒同舟之濟東隅旣失桑榆未晚本會同人丁此國艱心肝俱裂救國有志禦敵無策至祈愛國先進指示機宜苟有救

於國誓雪粉身碎骨赴湯蹈火以拯國難臨電激切不勝悲憤河南洛寧縣反日救國會叩元印

鹿邑各界反日救國會電

各級黨部各級政府各民衆團體各報館均鑒我國不幸內戰頻仍外患荐臻此次日本侵佔東三省橫暴行爲吾人忍無可忍而我政府處此生死關頭尙無具體表示徒求訴他人爲揚湯止沸之計而所養兵士數百萬竟持不抵抗主義以致敵寇臨城拱手讓人豈不大可浩歎語云自助人助人助天助我國人不自振作而忘思人助不盡人力而忘思天助是爲我國最大之缺點者所以招列強之輕視而侮辱之頻加也卽如日本此次佔據東三省雖由該國積慮者深宜實由我國內政之不修戰事之迭起之所致耳現當國家存亡絕續之秋凡我國人應卽痛下決心力改前非盡匹夫有責之義懷執干戈衛社稷之心由個人而團體而國家速醒抗日爲政府後盾本會已於十月二十日開臨時緊急會議通電全國民衆速起組織義勇團共同抗日等議在案切望全國同胞一致奮起爲死者報深仇爲國家除大難國家幸甚民衆幸甚河南鹿邑縣各界反日救國會叩

長葛縣反日救國會電

(銜略)均鑒中國不幸禍亂相循水災匪災兼逼並臻哀我同胞不死於匪亦死於水不死於水亦死於飢餓死於流離死於鋒鏑天災人禍數百年來得未曾有乃當此危急存亡之秋霹靂一聲日本倭奴又乘危劫奪寇我東省侵疆掠土殘殺同胞佔領機關炸毀鐵道種種暴行罄竹難書亡國滅種卽在目前是而可忍孰不可忍慶父不除國難未已凡我食毛踐土血性男兒甯視神州淪亡坐以待斃本會已於九月三十日召開各界反日救國運動大會當由大會議決三事(一)電請全國軍政領袖一致對日並集中武力準備作戰(二)各界自明日起下半旗三日停止娛樂宴會並臂纏黑紗紀念國恥(三)由縣政府調本縣各區後備民團來城聽候檢閱加緊訓練爲武力後盾望我國人一致主張惕厲奮勉共禦外侮萬鮮之碧血未乾歷城之奇恥難受請看今日之東北竟是誰家之領土寧爲玉碎不爲瓦全整我師旅共張撻伐洗兵三島飲馬扶桑倘能轉弱爲強撲滅日虜則國家之奇恥可雪民族之生存可保臨電憤激無任鞠企之至長葛縣反日救國會叩

固始縣反日救國會電

抗日救國文電第一集

南京中央黨部國民政府各省黨部各省政府各縣市黨部各縣市政府各人民團體各學校各報館均鑒日人肆侵掠手段佔據我東三省國家危亡迫於眉睫凡我同胞均應一致奮起挽此狂瀾然大廈將傾非一木所能支天下興亡匹夫與焉有責同人等有鑒於茲謹步各界之後塵用作國家之楨幹甯爲義死不苟幸生誓滅醜虜肅清寰宇惟願全國同胞源源繼起共同奮鬥勿昧先機勿貽後至臥薪嘗胆效勾踐之事吳枕戈達旦法祖述之聞鷄茲附陳宣言一份即希賜鑒並代分轉爲幸固始縣商民反日救國會叩養

陽武縣反日救國會電

河南陽武縣反日救國會成立宣言

（銜略）均鑒中華不幸，橫遭鞠凶，日本倭奴，乘我國天災人禍並臻之際，竟不顧邦交，大舉入寇，突於巧夜伺我不備，襲擊我瀋陽，佔據我領土，拘囚我長官，殺戮我人民，俘擄我軍警，焚燬我工廠，又復進攻青島，出兵海州，縱兵四出，分途侵略，違背非戰公約，破壞世界和平，不但爲我國之公敵，抑亦世界之敗類，凡我同胞無不目眦

髮指，枕戈待旦，以紓國難，同人等感國家之危亡，熱血之衝動，乃成立反日救國會。當經第一次提議議決：一，電請中央與日宣戰，二，與日人實行絕交，三，國內自小學以上均加軍事訓練，四，請各縣設立反日救國會，永久進行，除電請中央核辦外，深望舉國上下，一致奮起，抱甯為賊死不為賊屈之決心，秣馬厲兵，對日宣戰，島寇雖凶，我四萬萬同胞之碧血，亦當能盡沒滅之，泣血電達，敬祈鑒察云云。

十二，各將領對瀋案之文電

何健等抗日救國通電

（銜略）均鑒竊以天禍中國匪劫未已繼以天災而日本帝國主義者本其傳統一貫之大陸政策樂禍乘危甘為戎首自巧日起出兵東北強佔我領土殘殺我同胞焚燬我官署侮辱我疆吏種種強橫暴動已一一暴露于目前事體之嚴重絕非尋常外交問題可比對付之法除正式宣戰外無可以救亡者倘我人心尚未盡死與其效朝鮮志士謀復國于將來曷若趁一息之猶存拚

一死以報國宇宙之大原非全無公理必我先有甯爲玉碎之決心而後乃有仗義執言之鄰國已不能以死自誓而欲人之出我于死天下決無是事也健等待罪戎行捍國有責枕戈擐甲萬死不辭伏乞我中央速決大計實行對日宣戰戰而勝固足以挽民族國家之危亡卽不幸而敗亦永留民族國家之光榮禍迫眉睫不暇擇言拳拳之忱至祈垂察第四路總指揮何鍵參謀長劉膺古軍長劉建緒師長王東原彭位仁李覺陶廣陳光中陳渠珍張英率全體官佐士兵同叩儉

陳珪璋誓死救國通電

(銜略)均鑒。電文曰日本帝國主義久蓄異志侵凌我國年來殘殺我同胞剝奪我利權蠶蝕我邊疆咄咄逼人忍無可忍近更蔑視公理不顧公約出兵遼東佔領三省淫殺凌掠爲所欲爲凡有血氣莫不痛憤珪璋忝列戎行志存禦侮值國家多難之秋正師旅效命之會伏乞我座迅籌一切與日宣戰珪璋當率所部健兒爲之前驅赴湯蹈火皆所不辭日入寇深矣國事急矣整軍待發竚候明令臨電雪 伏乞垂鑒等語特此電達希卽查照陸軍新編第十三師師長陳珪璋叩江

夏斗寅等一致救國通電

(銜略)均鑒，數十年來，日本以種種手段，奪我屬地攘我利權，暴行毒計，不可悉數，奇恥大辱，已不能忘，今更乘我天災之際，無端尋釁，突然出兵，強戰我東三省，及東北各海岸，殺戮蹂躪，肆彼兇殘，警電疊傳，情形日惡，彼無所謂國交，無所謂人道，并無所謂文明，盟約，古今中外，無此野蠻，前例蓋直不以國家及人類視我，若專訴諸公理，彼一方爲狡賴之辭，一方行宰割之實，膺此大痛，豈復能忍，竊以非急戰不可以禦侮，非誓死不可以圖存，伏乞我總司令，順禦侮同仇之情，申國亡無日之倣，毅然主戰，尅日興師，以雪我國恥，振我民族，斗寅等分屬軍人，當此外侮國殤之時，羞比亡奴，願作前驅，義無反顧，枕戈待命，揮涕陳詞，夏斗寅萬耀煌朱懷冰盧本棠葉蓬方昉夏鼎新錢鎮亞劉銳余振華王亞翹劉潛濤張亞一沈澄沈廷楨管春藻全叩感

韓復榘團結對日通

(銜略)均鑒頃致廣州汪精衛先生一電文曰急廣州汪精衛諸先生唐少川先生鄧澤如蕭佛成先生孫哲生先生古湘芹先生陳伯南先生李德隣先生唐孟瀟先生惠鑒國家不幸天

災人禍迭起環生此誠危急存亡千鈞一髮之秋也竊謂今日之時勢非謀和平不能救國非息紛爛不能禦侮吾國當災頻兵燹之餘人民之顛沛流離其慘狀已不堪回顧加以萑苻遍野勦除維艱而天降鉅災江河漫溢人民之生命財產隨洪流漂泊以去者不可以數量計即使邊疆安謐內訌不起戮力同心以謀救濟而民命國脈之幾於一線僅存亦恐未易恢復元氣况強鄰進逼外患已深神州淪亡迫于眉睫疑震撼之時宜合羣策羣力急起直追以救危亡者非先和平統一不爲功諸先生革命領袖黨國先進遠謀深慮舉國同欽其於國家民族之利害孫冒熟籌於胸中且同服膺總理之救國救民主義患難相共何仇何嫌不可解釋斷不至以政見不同之故相持不下致直吶禹甸淪胥以亡昨聞諸先生復張溥泉等三先生電以兩粵各軍皆停駐粵桂邊境決不輕於啓釁仰見酷愛和平干戈行將化爲玉帛不特顛沛流離之同胞可慶其蘇卽艱難締造之黨國亦庶有豸而復渠猶不能已於言者以天下興亡匹夫有責當茲國難方深民命已危所謂危難安箴獸用敢竭誠籲請於諸先生之前卽日取消敵對形勢共起圖存保完綿繡河山鞏固神明裔胥長存飲水思源皆出諸先生之賜也安危存亡在此一舉迫切陳詞諸維鑒察韓復榘卞養印等語特

電達卽希鑒察韓復榘叩養

張之江等一致救國通電

（銜略）均鑒頃誦張副司令皓電謂日兵皓日在瀋陽自由行動佔領城池驅逐官吏遮絕交通殺我軍民破擊我軍隊及兵工廠等情聞訊之下憤氣填胸凡有血氣應謀自救失崩不圖永劫難復謹陳三義爲國人告焉一曰宜抱定決心作殊死戰也日兵強暴實行侵略主義推其原因亦由吾國素抱和平主張遇事退讓致引起帝國主義得寸進尺暢所欲爲而以待朝鮮人民之手腕加倍施諸我國吾國國民處亡國滅種一髮千鈞之際萬無隱忍不抵抗之理困獸猶鬥而况人乎應毅然採取拚命主義奮鬥到底作殊死戰昔美利堅獨立之戰初豈預有勝算徒以萬衆一心敵愾同仇竟成巍巍之功况我現時軍隊有組織政令有系統一切設備遠勝於美利堅之彼時耶苟能同抱有敵無我之決心何敵不摧何堅不克我國民其奮起圖之二曰宜速息內爭團結一致救共禦外侮也吾國赤匪蔓延荼毒生靈雖經痛勦尙未根本肅清加之天災流行浩劫空前遍地哀鴻哭嗷待哺稍具天良者莫不知國家元氣斲喪殆盡不可再作箕豆之煎以救危亡故今日救

國第一要義惟祈諸同志諸同胞立即捐除成見消弭內亂一致團結共赴國難時不我待遲恐噬臍三日救國禦敵須恃自己勿僅希圖外援也此次日兵進據瀋陽長春安東各地悍然違背公法不顧非戰條約其野蠻橫暴不可理喻非獨欺侮我國抑且藐視公理公法世界各國見此暴行或有仗義直言維護公理者然我苟不自振乃欲全仰他人之助僥倖圖存甯有斯理天助自助古訓宜師國家興亡匹夫有責願我同胞急起奮鬥共救今日之中國之江等從軍數十年受國厚恩未報涓埃今當大敵當前困難焦迫情願效死前驅以與寇敵決生死爲民族求生存枕戈待命義無反顧迫切陳詞伏惟垂鑒張之江孫連仲梁冠英高樹勛關樹人戴藩周張占魁張華堂楊天斌吳鵬興趙璞李松崑胞振堂李振同池峯誠劉國明鄭廷珍王修身祝常德時德學等全叩漾

徐源泉等誓死抗日通電

(銜略)均鑒頃據報載，日軍于本月十八日突入我遼甯省城，破壞兵工廠，拘禁我官吏，屠殺我人民，我駐軍以未奉命令，並無抵抗，並聞長春營口等處，同時亦發生同樣事件等語，閱之不勝憤慨，查我國政治革新，正謀安定，對於友邦，莫不以親善相尙數

十年來，日人之處心積慮，以無禮施諸我者，輒委曲包容冀其反省，卽往歲日本地震，災情奇重，我國人曾本救災恤隣之旨，盡力賑濟，蓋彼此同種同文，其關係甚切也，乃日人以武力自矜，虎視眈眈，因我國內多故，日施侵略，欲遂其無厭之慾，今竟乘我水災瀰漫人民流離之際，悍然稱兵入據我東三省會各地肆行屠殺，此種行動，是直視我國如無物，其乘人之危幸災樂禍之古今中外，實無比倫，我國人一息尙存，萬難容忍，自應勃然奮起，團結一致，爲政府後盾以與之周旋，源泉等分屬軍人，責在捍衛國家外侮之來，甯辭粉碎，應請中央通告國人與日絕交，毅然宣戰，源泉等謹率所部，誓作前驅，與之作殊死戰，雖至全數犧牲爲國捐軀，死猶榮幸，惟志不移，迫切陳詞，敬祈鑒察，徐源泉馬登瀛蕭之楚張振漢劉培績徐繼武韓昌峻丁治磐黃新陳永辛明利徐德佐同叩馬

藍文彬抗日救國通電

南京中央黨部，國民政府，總司令蔣，北平副司令張，重慶督辦劉鈞鑒，各級黨部，各省縣政府，各將領，各機關，各民衆團體，學校，報館均鑒：伏讀副司令張馬電，

日本蠻橫，無故稱兵，襲據我土地，殘殺我人民，毀壞我城池，炸轟我械廠，所受生命財產損失，以億萬計，傳來噩耗，悲憤填膺，是而可忍，國亡無日，爲今之計，惟有電請國民政府，當機立斷，對日宣戰，一決雌雄，最後勝利，律以公算，仍操在我，請得略陳，倭奴覬覦東省，匪伊朝夕，平日妄自矜大，以東亞主人自居，極其用心，非攘中國而盡有之，勢不中止，中國爲自強計，爲永久安寧計，惟有出於拚死決戰之一途，中國人口，號稱四萬萬，與日比較，超越數十倍之多，以一人敵一人，我或稍絀，以數十人敵一人，彼何能逞其強暴，衆寡之勢懸殊，勝負之數已判，在昔清政腐敗，民氣未張，歷次對外戰爭，尙能互有勝負，時至今日，迥異從前，豈有不堪一戰之理，彬以爲在國際上，應力請友邦，主張公道，並暴露日人野心，侵略中國，實以引起世界第二次絕大戰爭，以斲喪各國元氣，至於不可收拾，國際制止無效，必然同情於我，而得多數外援，在軍事上，應有統一之指揮，整個之計劃，以軍隊爲前驅，以人民爲後盾，兵不需餉，惟給口食，彈不虛發，期於命中，有貲財者慷慨捐輸，凡壯強者編次軍籍，爲堅

清野之計，法多方誤楚之謀，敵來我退，敵去我乘，斷其糧餉，困彼樵薪，不使敵獲絲毫之接濟，得片刻之甯息，延及期年，彼必自困，况戰爭開始，全國戒嚴，各國銷場，同受影響，起而干涉，勢所必然，蕞爾小邦，不難立斃，雪我國恥，揚我國威，生死存亡，在此一舉，昔安南失國，肇於內爭，朝鮮淪亡，咎歸黨見，殷鑑不遠，前事可師，所望當道諸公，全國民衆，咸以身處漏舟之上，共黨危幕之間，一德同心，化除私見，各止閱牆之鬥，共謀禦侮之方，我國民政府，速定大計，對日宣戰，我各將領，秣馬厲兵，靜待調遣，我各民衆，一致主張，電請政府，出兵宣戰，並堅定意志，力爲後援，彬雖不敏，願率偏師，爲民先驅，以與倭奴周旋，國仇不復，誓不生還，倚馬陳詞，伏候昭鑒，國民革命軍第一軍第一師副師長兼第二旅旅長藍文彬叩

謝紹安誓死抗日通電

南京中央黨部國民政府各省黨部省政府各縣黨部縣政府以及各學校各法團各報館均鑒竊查吾國不幸比鄰日奴任意宰殺不講公理侵滅三韓佔我琉球割我台灣脅訂馬關條約迫

立二十一條慘殺上海工學砲轟濟南全城種種毒辣愈演愈烈破壞東亞和平罔顧國際約法幸災樂禍獸慾無厭滅人國家乘機思逞萬鮮慘案血跡未乾又窺我國共黨內訌洪水爲災乃藉口以莫須有之中村案件竟率醜類侵我東省殘殺我同胞搶掠我財產炸燬我兵場驅逐我軍警似此豺狼成性蛇蝎爲心大肆兇威毫無忌憚凡有血氣者莫不認爲大仇不共戴天往者不可諫來者猶可追望全國同胞一致聯合起來存勢不兩立之決心驅逐醜類殲彼殘暴一面整頓軍備與倭奴決一死戰一面經濟絕交斷倭奴之生路則中國之光亦同胞之幸也紹安忝居末職何敢言及救國但念國家興亡匹夫有責憤填胸臆衝冠裂眦誓率革命健兒與倭奴作殊死戰臨穎涕泣不勝悲憤全國同胞尙其鑒之甘肅第一路警備司令直轄第一旅旅長謝紹安印

